

茶

餘

客

話

茶餘客話

淮安府志傳云阮葵生字實誠號唐山學浩子乾隆中以內閣中書入直軍機處歷官刑部郎中河南道監察御史通政司參議終刑部右侍郎生而才識卓越爲文下筆立就賦性不喜與人通而所之退而相忘少侍父京師職 國家事故及官刑部熟精法律屢決大獄通敏無窒礙遇大事衆不能決者片言剖洞悉情僞新例御史不兼部務惟刑部爲刑名總匯熟諳之員許奏留及葵生改御史仍留部行走嘗有弟殺兄牛兄戕弟命者原擬弟係罪人兄尊長應流葵生判曰弟殺兄牛並非盜賊兄刃弟預實裏天良竟擬抵浙省內洋漂沒巡船千總據實詳報都司以內洋處分重私改外洋造風令千總改詳撫臣均擬絞判曰法嚴首惡律重誅心于總據實詳報情輕都司代改招詳情重且非稱與同罪律于總應擬流又有兄被殺父受賄私和弟首告父以賄擬徒判曰爲兄洩憤手足之誼雖全而陷父充徒恩愛所傷實重若如原擬不獨父不能無憾於其子卽揆之爲子之心亦不能一息自安也應改照子首如父首例令子代父充徒則父子兄弟之間兩無愧矣會有購報讎之例宜刪者 旨交廷臣集議葵生下語曰查律載祖父母父母爲人所殺子孫不告官而擅殺行兇人者杖六十其卽時殺死勿論少遲卽以擅殺論細釋律意其登時殺死勿論者蓋子孫目親懇痛憤激頃刻之間不惟不暇嗚官並不慮及己之擅殺其迫不及待之情實有可憫故得勿論至於少遲較之登時已屬有間然仍系當場目親懇憤尙在難過故予以杖六十皆原其倉卒痛憤之情恕其不告擅殺之罪也若逾時事已到官或有司不爲昭雪或勢豪狡胥稽誅或頂兇有人而正犯脫然事外或兇犯既逃而子孫猝然相遇更或遭離散寄控告無門是皆祖父身死而家之手抵命無人子孫含憤操戈乘隙刺殺所轉者實系應抵之人所復者亦其應抵之罪揆之律義亦自相符但查歷來辦案並無此種情節蓋由百餘年來明罰敘法無不申之冤枉無漏網

之兇徒故律文雖載此條未經引用卽如乾隆十四年廣東省會昌被會士標打死業已擬斬其子日  
朝宗將士標子曾亞二殺父又乾隆二十七年河南省智順爲趙二殺死已擬絞其子智洪將趙二之  
子趙倉殺死此二案皆藉口爲父報讐而核其案正兇均已擬重辟 國法旣彰私讐卽泯其子卽無讐  
可報今所殺非應抵之人則於法無可寬之律擬以謀殺定入情實原爲罪所應得而 皇上於各本年  
勾到之時一則念曾朝宗究系痛父之心減爲處絞一則念智洪義父子二命酌予停勾於萬無可道之  
中予以一綫可矜之路誠爲法外施仁至本年安徽省郭幅之父國靈被陳佩內毆傷經平服旋因病死  
是死於病非死於毆陳佩之罪本不至死而郭幅因父死無抵命之人蓄念十年之久乘隙槍扎陳佩身  
死於復讐義絕不相蒙自應按律定擬伏思律文相沿已久自應照舊載存嗣後各省案犯有與律意相  
符者仍照律定擬外若於讞案已定後更藉口報讐之犯但查其原辦之案果否允叶並核其報復之念  
有無別情所警者是否應抵之人所殺者是否應得之罪隨時酌量情節恭候 欽定則情與法自兩得  
其平而律與案亦各不相紊矣廷臣面奏如所議行兩次屢從陳河數召見 命和詩數十首復 命覆  
校天津閣四庫全書時濳料逆犯就禽解集費夜詢供無少間而校書和詩如常皆從祀壁馬 諭此後  
乘輻勿騎馬蓋異數也京師松筠養本明楊繼盛故宅改爲祠日久傾圮葵生遊同人修復之立碑紀事  
改建淮安會館郡人以事赴都者皆謁以道義尤懇請託曰非徒無益且得禍故時淮人無奔競之習至  
於獎選後進卽若不足立朝孤特無依倚一切聲色玩好皆屏絕下直後青衿布履如諸生時交游多名  
士相與爲詩文會數日一集風流文采爲當時所推

山陽縣志  
雜錄均同

政

山陽阮葵生著

天聰八年命額爾德尼巴克什等由蒙古文創立滿文繕譯漢字暫繕記注我朝政事崇禎六年命大梅加國書十二字頭圈點分別語氣增外字以備漢字之對音復連二字切成一字于是清文大備大海滿洲正藍旗人九歲通滿漢文事 太祖專司文翰侍內廷凡與明代及蒙古各國往來詞命悉出其手能操漢音傳宣詔旨見國史列傳巴克什漢語文儒也國初大臣以文儒著稱者其衆大學士希福索尼剛林尤數贈蒙古吳內格滿洲龍什西翰皆賜巴克什之號漢軍高鴻中鮑承先亦辦事文館

建統辨色制始統軍尤以相勝爲用八旗分爲兩翼左翼則鑲黃正白鑲白正藍右翼則正黃正紅鑲紅鑲藍其序次皆自北而南向離出治兩黃旗位正北取土勝水兩白旗位正東取金勝木兩紅旗位正西取火勝金兩藍旗位正南取水勝火水木黑色而旗以指揮或夜行則黑色不辨故以藍代之五行之中虛木盡我 國家創業東方木德先王比統一四海滿漢一家乃令漢兵全用綠旗以備木色 先是天命十年乙卯 太祖初設四旗旗以純色爲別曰黃曰紅曰藍曰白後復鑲之添設四旗參用其色共爲八旗以鑲黃正黃正白爲上三旗餘五旗統以宗室王公按史記天官正義河鼓兩旗左旗九星右旗九星皆天之旗鼓以爲旌表又九旗九旗在玉井南則天子兵旗也周禮司常掌九旗之物名蓋在天垂象惟聖時憲益軍徵衆於旗有取

盛京官勝寺藏 太祖所御甲冑數人舉之弗能勝又藏 太宗所貽弓壯士弗能開矢長四尺餘 太

宗體製鐘重乘小白行百里乘大白止行五十里今昭陵前肖其形立石馬二呼曰小白大白

盛京宮殿規制大門曰大清門東門曰東翔西門曰西翔大殿曰篤恭殿大殿之西爲正殿曰崇政殿殿

後臺上樓曰鳳樓臺下閣曰飛龍閣樓後爲中宮曰清寧宮東曰臨睡宮西曰麟趾宮次東曰衍慶宮  
次西曰永福宮

我 胡宗室世爵列爲九等和碩親王多羅郡王多羅貝勒固山貝子純國公輔國公輔國將軍輔國將軍  
軍奉國將軍 以上將軍初封俱三等後遇加封至二等等 又奉恩將軍 其餘俱爲宗室

親王一子封世子嗣親王餘子封郡王 郡王一子封長子嗣郡王餘子封貝勒 貝勒子封貝子 貝

子子封鎮國公 鎮國公子封輔國公 輔國公一子授輔國公餘子授鎮國將軍 鎮國將軍子授輔

國將軍 輔國將軍子授奉國將軍 奉國將軍子授奉恩將軍 奉恩將軍子孫世授奉恩將軍 貝

勒貝子庶出子授奉恩將軍

中宮所生女爲固倫公主妃所生女爲和碩公主 親王女爲和碩格格漢文稱郡主側妃生者降二等

爲郡君 郡王女爲多羅格格漢文稱縣主側妃生者降二等爲縣君 貝勒女爲貝勒多羅格格稱郡

君側夫人生者降二等爲鄉君 貝子女爲固山格格稱縣君側夫人生者食五品俸 公女爲格格

入八分公稱鄉君側夫人生者食六品俸未入八分公者以下皆稱宗女不授封 凡諸格格有爲中宮

撫養下嫁者亦稱和碩公主

親王親王世子郡王正室俱稱妃 貝勒以下輔國將軍以上正室俱稱夫人 奉國將軍正室稱淑人

奉恩將軍正室稱恭人

天命年間立八和碩貝勒共議國政各爵官屬凡朝會宴饗皆異其禮賜賚必均及是爲八分天聰以後

宗室內有特恩封公及親王餘子授封公者皆不入八分其有功加至貝子準入八分如有故降至公仍  
不入八分

創立八旗設十六大臣以理政事天聰五年初設六部每部以貝勒一人領其事設滿承政二員蒙古承政一員漢承政一員叅政八員漢承政卽烏真超哈人員也崇德三年七月增設都察院理藩院是年始定部院各設承政一員叅政二員侍王貝勒領部院事

先是天命十一年九月設八大臣經理國務爲八因山額真總理事宜正黃旗納穆素爾黃旗額爾達爾漢正紅旗額爾和碩圖鑲紅旗侍衛博爾晉鑲藍旗額爾順三台正藍旗拖博輝鑲白旗車爾格正白旗喀克篤禮 設十六大臣佐理國政番斷獄訟不令出兵駐防正黃旗拜尹副榜額訥鑲黃旗伊津達朱戶正紅旗布爾吉葉克齊鑲紅旗吳善梓和諾漢藍旗軒塞康喀賴正藍旗屯布祿薩壁倫鑲白旗吳拜薩什喀正白旗孟阿圖阿山 又設十六大臣專備出兵駐防征討之事以時爾道正黃旗巴布泰巴奇爾鑲黃旗多內揚莎正紅旗湯古代察哈喇鑲紅旗哈納葉臣鑲藍旗孟坦額孟格正藍旗昂阿喇色勒鑲白旗圖爾格伊爾登正白旗廣古禮阿達海

太宗初設文館虛文學侍從之臣稱爲文館大學士崇德元年改文館爲內三院 一曰內國史院筆記注起居詔令收職御製文字凡用兵行政事宜編纂史書撰擬郊天告廟祝文及慶賀表文纂修實錄撰擬彙誌文編纂一切機密文移及各官章奏記官員升降冊擬功臣誥命追贈貝勒等冊文凡六部事宜可入史冊者選擇記載外藩往來書札俱編入史冊 一曰內秘書院撰與外藩往來書札筆錄各衙門奏疏詞狀及勅諭各官勅書諭祭文武官員文字 一曰內弘文院註釋歷代行事著書進講 御前侍講皇子教諸王領行制度 按自崇德元年定三院至順治二年此十年中任大學士者爲剛林范文程希福納承先洪承疇祁光格完我凡七人

外藩蒙古以一百五十丁爲一佐領披甲五十副設驍騎校各一員領備各六員十家各設一長有六佐

領總設參領一員佐領衆多之族設都統一員副都統一員十佐領以下之族設都統一員副都統一員  
外藩蒙古王貝勒各照內王貝勒設長史司儀長儀衛外親王四五品典儀各一員郡王五六品典儀各  
一員多羅貝勒五品典儀一員固山貝子六品典儀一員公六品典儀一員

台吉塔布囊頂帶坐褥照在內官一二等者同一二品三四等者同三四品都統副都統參領佐領驍騎  
校等頂帶坐褥比內各卑一級

外藩公主之子親王之子弟爲一品郡主之子郡王貝勒之子弟爲二品縣主都尉縣君之子貝子公之  
子弟爲三品台吉塔布囊等子弟爲四品 以上俱於十八歲給爵

一二等台吉許以一子襲職外餘子弟爲四品

外藩四十九族管紮薩克及索倫總管俱照內都統給印一顆索倫總管三品副總管四品

外藩四十九族比內八族至蒙古諸部喇嘛厄魯特喀爾喀親四十九族爲外藩柔遠司

民世爵公三等侯三等伯三等 精奇尼哈番正一品 一等十四次二等 今改爲子凡三等 阿思哈

尼哈番正二品 一等十次二等 今改爲男凡三等 阿達哈哈番正三品 一等六次二等 今改爲經

車都尉凡三等 拜他拉布哈勒番正四品今改爲騎都尉 拖沙拉哈番正五品今改爲獵騎尉 乾

隆三十二年又增立恩騎尉正六品

凡封親王用冊寶郡王用冊印貝勒貝子有册無印

長白山在船廠東北四百餘里 康熙十四年遼寧呼嘯聲羅吳默等五人查長白山形勢五月起程至

吉林島嶼地方六月十三日行三日聞有響聲十七日雲霧散布不識山向因尋覓前道得鹿行踪跡

驟跡上山直至長白山下又行半里有白波瀾樹成行香木叢生黃花徧嶺上下雲霧遮蔽不能全見宜

聖旨度遠行禮漸見山勢分明向一小路而上見山漸平坦攝衣而登約百里許俱積雪成冰山上  
五峯迴繞水池一曲勢如倒瀉正中一峯特立旁如門闕清泉其多左流入鳴松禮為响右流入大納音  
小納音等江禮畢下山見鹿百餘從山滾下內有七鹿對面應手而得因叩頭擣鹿下山回看雲霧遮蓋  
一無所見勳德吳狀  
清字國漢按長白山即歌爾民商與阿鄰山海經作不咸山唐書作太白山亦曰徒太山明  
一統志稱在會甯府南六十里是山高二百餘里盤亘千餘里山上有潭曰闕門周八十里深流廣闊  
緣混同愛淥三江出焉鴨綠江自山南西流入遼東之南海混同江自山北流入北海愛淥江東流入東  
海三江孕育秀產珠璣珍貝爲世寶重其山風勁氣寒奇木靈藥應時挺出

本朝發祥于長白山之東有布庫里山山下有池曰布庫里湖有天女降池畔生吞朱果遂孕生聖子  
體貌奇異及長母告以故與小荆乘之順流下母遂凌空去嗣至河步其地有三姓爭爲誰長亂靡有定  
有取水河步者見一異之歸語衆曰吾以水河步見一男子察其貌非常人也天必不虛生此人衆往觀  
之皆以爲異問之曰我天女所生天男姓愛新覺羅氏名布庫里雍順天生我以定汝之亂衆驚曰此天  
生聖人也遂交手昇至家三姓定議以女百里妻之奉爲貝勒定居長白山東鄂多理城國號滿洲是爲  
開基之始數傳至 皇始祖肇祖原皇帝拓地千五百里居赫圖阿拉又三傳至 興祖直皇帝生子六  
人各築城分居其四子爲我 景祖翼皇帝居祖基赫圖阿喇地生我 顯祖宣皇帝傳位我 太祖高

皇帝初征尼堪外蘭克圖倫城癸巳建都興京辛丑以諸國降服人衆編三百人爲一牛錄每一牛錄設  
一額真己亥滅哈達丙午滅輝發乙卯削平諸國增設甲喇固山梅勒額真增鑲四旗丙辰建號天命元  
年戊午取撫順城界凡己未破明四路兵二十萬於薩爾濟經零楊鍋敗走劉綎死取開原鐵嶺二城  
滅葉赫擒金台石辛酉復定遼陽取遼陽袁應泰自縊壬戌破廣甯乙丑定都藩陽是爲盛京明殺熊廷



丙寅 太祖高皇帝賓天 太宗文皇帝卽位丁卯天聰元年以七大恨告天征明人自殺經略袁

崇煥辛未圍大凌城降祖大壽癸酉孔有德耿仲明尚可喜先後來降甲戌行考試丙子 太宗文皇帝

卽尊位國號大清改天聰十年爲崇德元年明崇禎九年丁丑入塞破寶坻昌平回師戊寅入薊州殺總督吳

阿衡及在翰輔臣孫承宗又殺督師盧象昇己卯克濟南執明德王回師壬午克錦州殺巡撫邱民仰降

經略洪承疇于松山入薊州冬又破兗州回師癸未師抵江南海州沐陽旋是年八月 太宗文皇帝賓

天 世祖章皇帝卽位甲申三月明亡九月定鼎京師

順治元年四月十九日己卯大兵進山海關破走李自成五月己丑師至燕京八月乙亥 上自盛京遷

都來燕京九月甲辰 上自正陽門入宮十月乙卯 上以定鼎燕京告祭天地卽位

三朝國史功臣 聖祖親定一百一十五人

烏思藏進表皆稱受殊師利大皇帝受殊是佛妙觀察智更切音與滿洲二字相近故云見 上御製詩注

八旗方位 一北之東爲鑲黃旗居安定門內西至鼓樓大街南至東直門大街東北皆至城根 二北

之西爲正黃旗居德勝門內東至鼓樓大街南至四直門大街西北皆至城根 三東爲正白旗居東直

門內北至東直門大街南至朝陽門大街西至皇城根東至城根 四西爲正紅旗居西直門內北至西

直門大街南至阜城門大街東至皇城根西至城根 五東之南爲鑲白旗居朝陽門內北至朝陽門大

街南至東單牌樓西至皇城根東至城根 六西之南爲鑲紅旗居阜城門內北至阜城門大街南至西

單牌樓東至皇城根西至城根 七南之東爲正藍旗居崇文門內北至東單牌樓西至東長安門東南

皆至城根 八南之西爲鑲藍旗居宣武門內北至西單牌樓東至西長安門西南皆至城根

康熙十九年四月壬戌 上御勤政殿講官庫勒納麟尙書 上曰朕觀尙書內古來君臣交相誠勉

如此何憂天下不治嗣後大小臣工毋得貢諛詞當永以爲戒 八月己卯御史拉色奏禁火器 上曰  
治天下在政治之得失火器何與夫火器孰有多于吳三桂者因其悖道卽致滅亡則火器不足恃可知  
矣 四十五年三月 上曰漢朝災異見卽誅一宰相此舉甚繆宰相佐君宣化之人休戚共之或有凡  
事懸昇宰相乃其君之過不得獨咎宰相康熙十八年地震魏象樞言有密本因獨留向朕密言此非常  
之變軍機處親圖明珠可以消此災矣朕謂此皆朕身之過與若輩何涉魏象樞不能對 四十八年十  
月 上諭益益讓張谷員在湖廣地方其有裨益彼處苗人須伊等彈壓者超員棟領兵三萬進征雲南  
實數止有一萬挑選武勇三倍其糧是以人人用命至今人猶感頌近來老將銷磨殆盡止存與益讓等  
數人耳 平定厄魯特時 上諭諸部落云朕尊爲天子富有四海在京師飲食喜樂無不備具今朕出  
征日止一食羊肉外無他物櫛風沐雨夜寐夙興每至一處朕皆步行及聞噶爾丹確信朕親率前鋒窮  
追凡此特欲爲爾諸部落咸得安居耳諸蒙古王奏云 皇上垂念外落不辭勞苦七旬以內於無水草  
處行三千里立奏膚功從來未有邊境永安聖德神功若此無不傾心誠服 五十年諭曰封疆重臣當  
察其大節瑣屑小事不可苛求寬則得衆信則民任治天下以寬爲本若吹毛求疵天下人安得全無過  
失者嘗見不飲酒之人必欲人不飲不用烟之人必欲人不以此皆不可朕卽不用烟酒若以超申喬任  
性爲之必殺盡天下之用烟酒者恐大小臣工不能一日安矣又 諭官之清廉不在受禮不受門張  
爾居官其清在山東亦受人規例安置田莊張伯行官亦清劾一部書勳費千金此等皆不必究兩淮鹽  
差送人禮物朕非不知何必追求總之愚民斷不可欺居官好者人卽知其好不好者人卽知其不好故  
曰天視自我民視天聽自我民聽蓋民意卽天意也 四十六年諭叙云醫書有一方又有數方附之  
果此方已盡善又何用多方蓋善者亦不能自信也至服補藥大無益藥性其於心者不宜於脾胃於

肺者不宜於醫朕嘗論人無服補藥補不如食補夫好服補藥者猶人之喜逢迎者也天下豈有喜逢迎而可爲善乎先年滿洲老人皆不喜藥朕亦從不服藥 太皇太后 皇太后一生皆不服藥爾等當

以是爲法 四十八年十一月 諭曰明季事蹟有萬歷老人內監曾在朕前聞之甚詳正統在沙濱生一

子今有裔孫天啓呼魏忠賢爲老伴楊左受杖老監有目擊者能具言之陳新甲所議本受指於崇禎及

科道彈劾崇禎反畏人言始新甲賊兵破外羅城由西便門攻阜成門崇禎微行薊城伯家方門門演戲

回登萬壽山欲奔太監王承恩止之曰出恐受辱於賊乃止以身殉國又勝國宮中脂粉銀四十萬兩宮

女至九千人內監至十萬人飭食不能給日有餓死者城西御溝相傳石板下出水石板上出戶宮中用

馬口柴長三四尺淨白無點黑兩端刻兩口建極殿後階石高厚數丈采運之費不貲不能入午門太監

奏奏此石不肯入午門乃命將石捆打六十御棍崇禎身騎馬兩人執轡兩人扶轅甫乘轍墜

乃責馬四十棍如此舉動豈不發噤皆由生于深宮長于阿保不知人情物理遂至于此 辛巳秋寓大學士陳詩王恩第

見政治典訓數冊曾紀 仁皇帝聖政文體武烈明照千古而厚德深仁洽肌浹髓免降 代之治業以加茲情是書爲而未成葬生所見及僅數語敬記數則始歎天以管云

康熙辛丑元日 聖祖御極之六十年早朝慶賀禮畢大臣同詣 內廷獻壽時相國馬公齊 松公柱

熊公永藻王公扶王公頌齡張公國圖大司農田公從典大宗伯員公和禮祭公升元大司馬孫公

柱大司寇賴公都張公廷鑑總憲蔣公阿爾家宰陳公元胤共十四人時華亭年已八十松齊太倉三

相國張遂雷田陽城皆七十以上馬相國員宗伯孫司馬賴司寇爲總憲陳家宰皆七十蔡宗伯張司寇

年六十八上有壽考之聖人下卽有平格之碩輔白眉耆艾慶拜一堂一時之盛事直萬古所希聞矣

康熙五十二年 聖祖六旬萬壽三月□□日賜宴在京之各省現任致仕漢官員及士庶等年六十五

歲以上者共四千二百四十人越三日又賜宴滿洲蒙古漢軍官員及薩軍兵丁等二千六百五人 上

陳諸老人云今日之寡族遺孀子皇孫宗室執爵授飲分頒食品爾等入宴時勿得起立以示朕優待老人至意二十八月又賜宴八旂年老婦人宴于 皇太后暢春園宮門前

聖祖六旬萬壽恩詔賞老民戶部奏給各省七十以上至百歲外者共一百四十二萬一千六百二十五人賞布帛等價銀八十九萬兩米十六萬五千餘石此專指老民老婦而匠工矜士不入此數壽為五福之先解七十曰古稀乃一人有慶而壽國壽民其家若是非厚澤深仁涵煦漸被曷克臻此

康熙二十八年 上諭廷臣云朕聽政以來以三審及河工漕運為三大事夙夜靡念未嘗偶忘曾書而懸之宮中柱上見所輔本傳

聖祖駕幸闕里由奎文閣升詩禮堂御講筵大學士明珠王昶等左翼立諸聖廟右翼立 上諭兗州府知府張鵬翻為官清正亦准聽講傳入列巡撫之下講書官孔尚任講大學聖經首節孔尚任講易經繫

詞首節 康熙二十二年 見李壽國典

康熙二十七年五月湖廣督標裁兵夏逢龍作亂胡繼乾李廷秀金奇功傅留學等七八十人閉城劫殺巡撫柯永昇出城自縊各官潰散糧道葉曉檜都司宣仁皆殉難設六鎮八協兩水師分兵各府鎮破漢陽州常德三府 上聞之料賊必敗不養一禁兵飭江甯京口將軍五代等 亦部之孫 及附近總兵督師逼剿七月十五日為提督徐治都敗走黃岡令汪灝 山西臨人 率生員某生擒以獻斬之僅五十 八口不出 睿算外略亦神矣

崇德元年改文館為三院至順治元年俱仍舊制 時未設內閣 惟兼用漢大學士二年兼用漢學士定為正二

品衙門以翰林官分隸稱曰內翰林國史院內翰林秘書院內翰林弘文院 十五年改三院為殿閣衛

口中相殿保和殿文華殿武英殿文淵閣東閣各設大學士兼尚書學士兼禮部侍郎銜別設翰林院

于東長安門外以學士一員掌院事仍兼刑部侍郎銜十八年七月復以內閣爲內三院至康熙九年仍改爲內閣分設閣部銜別設翰林院如今制

內閣辦本分爲五堂 一滿本房滿侍讀學士統之專司繕寫清字校正清文 一漢本房滿漢四侍讀學士統之專司繕清譯漢漢中書三人繕寫本單 一蒙古堂蒙古侍讀學士統之專司繕譯外藩章奏及繕寫額行西番等國請敕 一滿漢票簽處滿侍讀三人統之 一漢票簽處漢侍讀二人統之專司票本及本內應批入奏之事漢中書二十七人司寫簽撰文記載絲綸外紀諭旨及各通纂修校理之事部院本章繕清漢文者由各衙門當月官送票簽處擬旨書籤各省本章不繕清文者由通政司送漢本房繕譯滿本房繕寫學士侍讀閱定無訛送漢票簽處擬旨書籤 乾隆十三年 諭向來公事月題本私事月奏本題本用印奏本不用印式沿前明因內閣通政司借以上下其手同一入告何必分別以後著概用題本以示行簡之意

貼黃仍舊例相傳故明崇禎元年輔臣李仁禮所增

漢以丞相御史爲三公分任庶政至武帝之世才臣進用丞相權輕其後霍光金日磾受遺輔政以將軍宿衛共領尙書至此權歸臺閣不論何官但錄尙書事者卽爲政府丞相御史奉行不得與議此漢制之變也魏晉以後因之唐書以尙書僕射爲首相其後政歸禁苑中書門下三省號爲執政卽五品以上同一省平章卽爲眞相而尙書僕射反居外奉行不得稱宰相故李適之張九齡去相位俱拜爲左右僕射罷政事此唐制之變也

唐因隋制以三省長官尙書令中書令侍中爲眞相

唐時侍中乃丞相漢之史官魏入中

品位崇高中葉後不以獨授常

以他官兼宰相稱參預朝政參議朝政則參知政之始蓋唐太宗嘗爲尙書令臣下避不敢居是職由是僕射爲尙書省長官與侍中中書令號爲宰相至僕射李靖以疾闕日至中書門下平章事則平章之名

叻爲至李勣以詹事同中書門下三品同三品之名叻焉自是以降或稱更定要以二品爲準晚唐頗兼衆職用兵則爲節度使紫微則爲大學士理財則領度支鹽鐵轉運至太清宮諸使皆宰相兼辦以百契之尊分理庶職相體輕矣 宋因唐初制惟同平章事爲眞相皆以三省之貳或他官貴要者充其在又昭文集賢二大學士監修國史以近留示重二三相臣次第居之至神宗元豐間革平章之名爲尚書左右僕射各兼門下中書侍郎行侍中中書令事以通三省之政又別置中書門下侍郎尚書左右丞爲僕射之佐實即叻知政事也徽宗政和中尙蔡京意改左右僕射爲太宰少宰正公相位元豐之制大壞南渡建炎中乃復其舊乾道中直轄左右丞相可謂名實俱正者終宋之世未改其最重者惟平章軍國重事而或兼樞密使御營使制國用使都督諸路軍馬皆因時取名而資實寡效惟以樞密院本兵柄與宰相並稱兩府五代時以中書爲樞密爲將國之副將兵民判若兩途自眞仁而後皆用儒臣專任其以武勳授者百之一

二耳

謂制無同象樞密院者

按樞密之名始于唐代宗置樞密使以宦者爲之當時不置司局但有

星三樞貯文書而已後僖昭時楊復恭等欲奪宰相權乃于堂狀後貼黃指揮公事此其始也後梁準唐

宦官之弊開平元年改樞密院爲崇政院始更用士人以備顧問命宰相郭崇勳兼使又置院使一人送權伴宰相矣後以樞密使爲內輔臣宰相爲外輔臣宰相之權日輕如郭崇勳安重誨皆以佐命功入爲樞密刑賞黜陟無不由之惟後晉主黨其積惡廢樞密以印付中書及後漢乾祐中除樞密使降麻比于宰相宋因而不改有使有副有知院有同知有僉書其兼官叙進兩府略同執國之政均可以宰相稱

今武之官皆至江左而爲宰相

使使之官皆至五代而爲輔臣

明之相權最重而不蒙相名中葉後非由翰詹起家無由入閣爲詞臣者以書生從田園來不出國門二十年中優游坐食游升台鼎唐宋以來無此制度推其所由則因洪武初年罷丞相蓋罷相則政歸六部

內外相維本屬善制彼時太阿在握大小諸臣率職奉行是以權不至于旁落洎文皇選翰林入直文淵閣後人皆以此爲三百年相權畸重實萌孽于此不知其職止於分掌文案綜理制誥不過如唐之左右司其人亦不盡由翰林來與宰相二字因風馬牛不相及也至宣宗之世三楊在任既久位日益高始類相職嗣是或輕或重漸啓相端至嘉靖而實相成矣然使是時竟顯名之曰相慎選才望大臣隆其品秩以正端揆何不可行乃又拘於太祖之禁有其實而獨祈其名於是職非昔日之職官仍昔日之官并居是官之人亦仍昔日資格非是者不得與而翰林捷得之勢成矣是因太祖之不設丞相轉巧爲三百年翰林入相階梯也按相權之萌起於宣宗之世歷英憲孝武四朝其間君能視政則其權尚微君不視政則其權漸熾至嘉靖則大柄全歸政府君若贅旒世廟以張璠言禮進用始舉外臣入閣迨及季世非詞臣不與閣選亦終二百年不改至莊烈始大破成局閣用一二外僚翰林諸臣斷斷爭之如水火即黃石齋之阻楊文弼其果出於大公平周延儒溫體仁奸私視國胡不聞翰苑之力阻耶

鄧曉 文淵閣諸臣表序云初設中書省韓魏二國公以太師太傅兼左右丞相汪胡繼之不得領三公黨獄起死徙數萬人遂詔罷中書丞相以五府九卿分理庶務時翰林春坊官看詳諸司奏啓置翰林兼平殿諸司文童離殿閣大學士如宋訥吳伯宗止侍左右備顧問不得平章國事如丞相至成祖省公孤而召解縉黃淮胡廣楊榮楊士奇胡璉金幼孜七人直文淵閣內閣之預機務自建文四年始也閣中有文淵閣印印文獨異諸司凡封進詔冊登章章疏用之不得下諸司其下諸司者以翰林院印諸司上內閣亦稱翰林院翰林院之入內閣自解縉始也已而解出爲交趾恭讓胡璉爲祭酒文衡黃淮下詔獻胡文穆 早卒楊金三公事長陵 二十三年官不過五品獻陵 復設公孤西楊士奇始加少保內閣之登三孤也自西楊始也東楊兼以榆木川有大功特置大學士顯身殿躡身殿之有大學士自

東楊始也景泰時乃有孤卿入內閣者蓋自王文○始也先朝重宰雖內閣元輔歷三三十年不得領  
吏部尚書內閣之領吏部亦自文○始也內閣未有第四官者有之亦自文○始也陳循高穀送至領五  
官徐有貞以武功伯兼大學士自累擢文淵閣丞無謂矣有貞後二十人惟萬安邱濬以孤卿入閣餘皆  
修撰贊善通泰少卿少詹事侍郎自焦芳至於今非孤卿則六卿惟翟鑿以待郎兼學士以故內閣職事  
重于中書體統尊于三公府省府之名雖廢而內閣之權益隆先是內閣亦外調宣德中陳山張瑄以干  
請諸司出山教小內使書瑄爲南京禮部尚書景泰中亦出江濟爲工部尚書不獨解與胡也其入內閣  
也亦未必盡出翰林也西楊士奇齊府密理也黃文簡○淮中書舍人也金文靖○勳戶科給事中也薛  
文清○監察御史也李文達○吏部主事也近日丹徒水滸安仁南海黃溪亦中書主事給事中也列聖  
嚴于防奸廣于求賢故內閣諸臣類多功職三楊參合歷事四朝文經武緯內戡外甯四十餘年號稱平  
治昭后既崩裕陵正統親政一時五相才器尋常權歸奄振國社幾搖景泰諸臣因人碌碌強者恣睢窮  
者陷默或陰主邪謀或曲從密旨請官易位官賞紛然天順美宗復辟誅宦削逐黨閹一空自是輔臣乍  
進乍退恩數輕微至有囊頭詔獄荷轡湯隔者南楊○既出復留最專且久造膝陳諫譴章抗論六卿得  
人萬幾無幾成化間文憲文毅事關綱常扣關力諫時值倭幸請劍行誅弘治初年大盜距脫海內忻然  
洛陽端靖寬綽長沙餘姚文雅瞭直泰陵弘治警技再三虛鑿鑿色屬精防落將大有爲而諸君子志在  
包荒意存裕魯多思少斷坐失其期然十八年間財以足民而富兵以薄伐爲威利以殺死爲恩士以職  
進爲恥正德○初逆瑾用事盡逐方正大臣芳字本衣冠之盜廁跡輪扉數年間濁亂天下新都楊○  
和守正應變有餘才碩果尙存巨川攸濟雖大樽之議未協宸覽而棟時之功登于鼎鏡今上獨秉乾  
綱輔臣仰承休德豈非爾若之遇賢於夢卜都俞之風幾於獻替乎



明之關寺權流漢宗社雖宰相無如之何按之唐代正復一轍唐末兩樞密使柄事與宰相表裏  
爲中貴則明司門監之濫觴也金吾衛屬南衙猶明之錦衣衛羽林衛屬北衙猶明之東廠李輔國署察  
士數十人潛令聽察細事魚朝恩于北軍置默使令坊市恐少羅告富室則成化崇禎西廠之前車矣  
張說傳帝始欲授說大學士辭曰學士本無大稱中宗崇禎大臣乃有之臣不敢以爲構因辭乃免後李  
泌加集賢殿崇文館學士建言學士加大始中宗時及張說固辭仍以學士知院事至崔圓又加亦引泌  
讓而止

唐時稱舍人年久者曰閣老非宰相之謂也楊文公詩題有寄第三廳閣老注云王沂公言行錄記楊大  
年呼沂公爲第四廳閣老又宋胡邦衡除龍圖閣學士周益公賀詩有龍圖便爲黃閣老之句此閣老之  
變也

明時稱大學士曰閣學無中堂之稱按閣學之名起於宋宣和末陳亨伯爲龍圖閣直學士稱龍學顯謨  
閣徵獻閣二直學士欲效之而難於解徵學顯學乃易閣字然古稱大學士止曰大學明代設閣詞林記  
又有殿學閣學詹學諸名明初不立宰相以本學士加官故無印止有文淵閣一印以備鈐封進御之件  
此外文移皆借用翰林院印故於翰林院堂上設公座視相公幾位則設幾座故稱曰中堂是堂乃翰林  
院之大堂非內閣之堂也

張乘用 初名學教嘗言成化以前聘勅之禮猶爲近古其本身不過百餘字祖父母父母不過六十字  
習者無費詞受者無愧色後來飾儀滿情張百成千以萬乘之尊過書匹夫匹婦之賤大非政體請加釐  
正詔自今聘勅從簡實不許規飾浮詞致製體制其實抑揚褒貶多爲中書賄囑之地如故也

康熙年間命翰林按官職所舉撰擬告身文字無須理事猝辦不必專切一人校弊廓清無能行其私習

今毛大可集中數篇卽當日分撰者近日 國家覃恩疊被錫類張廣凡旣封伯叔兄嫂以及外祖父母  
舅氏者悉蒙 恩准而當日並未撰擬此數項文字近日誥勅房不敢另擬卽以父母之文加于伯叔兄  
嫂外氏竊有未安 康阮戊子直隸總督趙弘燮爲其外祖郭某請封御史王奕曾劾其怙寵非忠二  
本非孝語體而刻 聖祖特允其請許給誥命並許凡外祖之嗣者皆得援例奏請翰林某侍讀撰制詞  
有云緣情作則厥施用慰夫蓋臣溯本推恩其義實通于將母當時傳爲佳句蓋因人以撰文事由 特  
旨不得爲例中書科所書告身皆佐史之筆著泥金五色者潤筆尤豐明隆慶中司馬王崇古以泥金書  
軸爲官官所糾其無理解唐制告身手額公自書生巨川一人而魯公季海同爲之書巨川賴此以傳至  
宋時則當制之人兼書字體不拘眞行故當時以得歐蘇手筆者爲瓊寶  
唐時封贈雖宰相止及其父母一代而已若以恩回贈則其祖與異姓皆及之權德輿以檢校尙書恩乞  
其祖贈禮部郎中戶部尙書楊於陵請回贈祖吏部郎中是也又如劉德外祖故瀘州刺史張懿贈工部  
尙書制曰有外賢孫爲吾闈帥外祖母李氏贈趙國夫人制曰段公威德當流慶于外孫令伯孝心願推  
恩于祖母至宋時官至宰輔多爲其女請封號不知其夫作何稱謬亦甚矣賢如歐公亦不免俗不可解  
也

宋以前無封贈本生父母者李文靖叻爲宰相上言臣叔父超故任工部郎中集賢殿學士叔母謝氏故  
陳留郡君是臣本生父母臣不報罔極之恩爲名教罪人今郊祀覃恩望與追榮太宗孺子之贈超太子  
太師謝氏鄭國太夫人至眞宗元年八月辛未詔文武朝官凡父不在無嫡母繼母者許鈇封本生父母  
惟我 國家近例凡願以本身告身封者悉准給錫類之恩均四海邁千古矣

漢制以本任兼他職者曰兼 兼蓋以右轉 以高官攝卑職曰領 領向以光祿 唐制又曰攝 如侍中唐時又

有行守試之別大約職事高者曰守職事卑者曰行未正名者曰試宋制則高一品曰行下一品曰守

下二等曰試元祐以後又置權官

加以侍郎  
權官

朱子論夫妻封號曰婦人封號有夫爲秦國公而妻爲魏國夫人者亦有封兩國者秦檢封兩國范伯達笑之曰一妻而爲兩國夫人是何義理故京皆改隨其夫號如夫封建安郡則妻亦封建安郡夫人夫封秦國則妻亦封秦國夫人侯伯子男皆然如淑人碩人宜入孺人之類亦京所定各隨其夫官帶之後人謂淑人碩人非婦人所宜稱看來稱碩人亦無妨惟淑人則非所宜耳但有一節未詳有夫方封某郡伯而妻已先封某國夫人者此則與京所改者相值齟齬不可行蓋其封贈格法如此當初合并格法也與整頓過則無病矣遂使人得以咎之謂其法自相違戾如此是亦京不子細乘勢粗改後人以其出于京也遂不問是非一切反之

內閣票簽舊例凡關兩部者必明票某部某部三部以上始票該部明天啓後閣臣不諳故事悉趨簡便遂有一部亦票該部者其後相沿不改至舊儀通本部本式樣皆依樣畫葫蘆也甚不足爲典要而該部議奏一簽尤宜討論記雍正元年有將已經條奏事復行陳奏閣中仍票該部議奏者

奏稿率

旨嚴加

申飭以爲漫不經心者戒大學士寇冠關罪則票簽一席甚不易易非胸有百年典制筆故者吾不敢許其稱職

內閣無夜直之官明初內閣大堂不得舉火夜則懸起于門掩門而出官榻中始會食堂上舊制輔臣在直辰入申出申爲常樂順壬申後二鼓始散已卯後至四鼓闕至散夜者周官典職輪一員宿精微科候傳票乃夜直之始而不專候中書精微科屋九間屬內閣在午門外西廡其南接兵科北爲尚寶司

明代大學士帶殿閣銜名俱以次升遷由東閣漸升至中樞亦有超授一階二階者惟文華不經授終明

之量重二人耳我 朝初不以此分軒輊亦無累澤之制曾惟桐城張文和公子雍正丁未年十月授太  
學殿至戊申年五月改保和殿後此多以初入之銜爲定後不復再更卽如今相國廷清先生拜相十年  
猶帶東閣而後入者尹高俱文華阿魯俱武英程劉俱文淵文淵初無其地其行走班次不以殿閣爲銜  
按本朝殿閣首中和次保和次文華次武英次文淵次東閣近年二楊相公禮部皆授體仁閣前此未  
之有二楊皆不終其位

文淵閣無其地循實之先輩博雅諸公皆無以答王百濟司馬申劾山光曠皆以爲在大內亦應度之詞  
予意今之內閣大庫彷彿近之當時楊廷和在閣升卷挾父勢屢至閣繕書機取甚多又典鑄劉中書  
胡熙主事李繼先奉命查對而繼先卽盜易其宋刻精本觀此情形必非內閣深嚴肅密之地而沈景備  
謂制度廢弛斷昏暗自謗列炬當時俱屬之典舖云云則與今日大庫形勢宛然如繪且禁禁殿閣繞廳  
蕙井翠冠玲瓏惟占吏爲明季之本之地則石室碑爲六壁爲隄蓋以本堂要區防火爲宜今大庫之  
六壁代聽碑齊時室較史殿尤爲晦悶則爲當日藏書之所正與史成制度相合

陸文裕深玉堂漫筆一則云王文端公直抑卷集中題梁用之詩後謂內閣在東角門內東角門常人  
不能到其外爲文淵閣則翰林諸公之所處也今內閣榜曰文淵而不在東角門之內諸學士所處者則  
在左順門之南廊而榜爲東閣云按文裕所記已非文淵初製然皆在紫禁城之東南角門外與今之內  
閣大庫皆相近也

明臣入閣辦事預幾務曰文淵閣又曰東閣 本朝改爲秘書國史宏文三院大學士皆集昭德門之東  
兩隅辦事惟新拜之日于內閣一設於公案至康熙二十八年始辦事于閣中見幾輔志

內閣北墻下有楮樹一株陳午亭先生愛之公事畢移對案坐其下於香燭茗召中翰數人分札咏詩以

爲常送命馬鳴驥新卷子曰稽德圖午亭先生先題二詩徽省諸名士皆和之爾時相臣風雅開務清簡  
皆可想見

康熙年間 聖駕巡幸凡駐蹕口內閏一日撥本出口外閏二日送本惟驛遞也近制自盛鑾日起皆閏

二日送本其各官陳奏封事交留京辦事王大臣收接隨內閣本箱寄行在內閣隨本進呈

行在內閣以滿票簽侍讀一人滿中書四人隨譯專司行在交出 諭旨及由京送到本章奏摺及折本

改簽等事漢中書一二人專司漢字應發應折應奏之件俱隨本報寄在京內閣轉發各衙門其緊要速  
辦之件則由行在營發行在各衙門到京後仍傳在京各衙門照抄

翰林著作之庭中書絲給所出自古並重明初洪武間朱孟辨以編修改中書舍人永樂間黃淮以舍人

召入翰林備顧問若庶吉士張孟授中書舍人仍兼翰林供職姚友直以舍人升沈馬庶吉士高穀等七

人同授中書舍人景泰元年舍人陳學詩等四人同改編修仍兼內閣辦書明實錄中所載最多蓋當時

以爲常典耳自舍人有胥子而任漸輕其後實郎混拜不問出身遂多具員然明之翰林八股之外無文

一退之外無筆而流品猥雜唐宋尤甚密工棋博士茶酒司咸稱待詔於翰林非兩制並重遺意

唐之學士初入院者試以制書批答三篇如白居易試段祐加兵部尚書領涇州制碑隄試武臣受東川

節度制是也若舍人則不復試多自學士遷授宋制知制誥必召試中書而後除欲觀其敏也其不試者

雖爲異禮當時以爲榮凡試之日制誥三篇宰相觀其納卷方上馬次日進呈除目方下蓋重之也今政

府代官之職卽古之知制誥于內閣中書內選擇亦試以擬旨一一稱楷書端正文思敏贖者用之近日

間有不試而用者蓋大臣素知其才不須更試亦有僅供行走者又不必試邇來機務益繁部務亦多併

集檔目三數倍于前故開選部郎內有學識或世臣子尤是職故事中書改翰林卽驪道甲戌莊本濱及

鄭春和相國欲留之任事汪文端由教援故事止其留于按雍正十一年五月奉旨張若霖著在軍機處行走時張方授編修是翰林無禁選之說

內閣大庫藏歷代策簡並封貯存案之件漢票簽之內外紀則具編百餘年昭令陳奏事宜九卿翰林部員有終身不得窺見一字者部庫止有本部通行惟閣中則六曹咸備故中書品秩雖卑實可練習政體博古通今予辛巳夏直票簽九月卽派入武英殿繕寫諸地球圖說未得久于其地計百餘日中粗細外紀一過夜直之期檢閱尤便每次長蠟三枝竟夕披覽不覺當時十五六日方輪一夜班每代友承直他人亦樂以見委閣近日中輪以夜班爲苦互相推避予則以日淺未得快觀大庫爲憾接典錄庫事賈深者方轉典錄惟探開庫之期隨前並一觀鑿封掃架隨意抽閱片牘皆典故也

內閣副本每屆年終派漢本堂中書查封送貯皇史宬內辛巳之冬祝官臣前蒙命應斯役予借往觀百數十年之章疏積若崇山而毛西河所稱史京規制仿古石室金匱者皆得親睹其盛今之史宬卽明之兩城舊址惟所稱異種名葩則無有矣

內閣翰詹科道吏部二部皆按科分敘前後敘終其身不異不以官職年齒爲低昂初袁于忠部禮部繼之後翰林入衆後生居多往往脫略近則內閣不甚如舊予初入山閣見陳星齋曹冰持鏡樞軒語先生官皆九列於前輩老中翰致數禮禮公譏之日拂座奉卮皆長揖甚恭今則有此調不茹之嘆

明臣韓法劉基王守仁文成李東陽謝遷文正曹勣如龜在天張學敦楊廷和張居正文忠楊士奇徐階文貞王直周經吳一鵬高儀吳山陳以勳王家屏文端在壇文清楊溥吳寬王瓌張邦奇陳敬宗蔣冕王道何塘李春芳陸樹聲于慎行文定鄧以讚文潔王禕舒芬文節劉儔石琯如文文介李時勉商賡

黃孔昭倪岳傅廷鑑倫張治張四維文毅儀智馬京黃淮劉春李溥學毛紀張碧毛澄馬汝驥孫承恩穆

孔師許環自相何夢春潘若水查其呂國陽郭朴文簡徐善述錢晉禮王使何喬新謝錫吳傑劉忠羅玘

魯正劉瑞超員旨王錫爵文廟王汝王金幼孜魏驥徐溥劉德賈味盛訥文靖劉仁羅洪先程文德萬士

和孫應繁文恭吳納耿裕宋訥朱善王駉楊濂魯輝溫仁和孫陞丁士美周子義林傑范謙余繼登楊道

寶文恪葉盛邱洽謝一變王鴻儒邵寶羅欽順歐陽德汪俊耶守益馬白強蔡清啟士儔初歐文通左

山脈走阿在題走文莊鄭賜王英劉定之周洪談林瀚劉龍李傑呂本文安胡廣劉吉傅瀚許國文穆

宋濂彭時費宏陳于陸文憲曾鼎周允楊一清桂萼方獻夫唐龍席書高拱文襄苗衷萬安梁傑李時顯

勳臣文康高少純濟楊榮特製在銑李廷相徐緝靈帽余有丁文教李賢文達白鐵陸深黃佐王希列文

裕劉珣尹直文和一甫李李錢溥費來殷士備文通呂原楊守陳劉宣儲璫章林都繼書景濟顧大綬

羅萬化趙志皋朱慶文體張益倪應臺越黎濬新貴張昇黃珣顧清陳陞陶大臨林廷機文偉林文俊文

修蕭維祺江灝文昭彭華文思夏晉文懋石珪張治文隱袁煒文榮徐理武甯鄧愈武順李文中陳林陳

王謨武靖金朝典顧成高成薛授陶瑾朱永武毅久能武烈廉茂才武義楊球武信胡大海華高朱麒武

莊潘毅柳洵高顯武肅蔣貴毛忠武勇耿再成梁震武壯蔡傑朱樂沐昂楊俱徐享朱謙陳圭李曼劉文

王効柳瑞周尙文武襄陸炳武惠和真孫鏡安國武毅徐德勝武恒王貴陳友周玉沐琮吳繼爵武信廉

水安朱勇武懋王稔勳丁文簡李時勉忠文常遇春劉榮張玉勳薛祿郭登忠武俞迥海徐忠張

輔孫健李如松申利吳雲許遠楊景忠節為瑞楊爵忠介朱復養義韓文忠定張德勝王簡周長張武曹

陸陳懷似章方政山雲武興王顯忠毅朱榮夏原吉忠靖沐晟忠毅黃福劉大夏忠宣顧登王賜于謙

勳忠肅胡濙忠安王佐申簡吳時來忠恪孫世孟善陳李林椿馬晉股尚質中書漢英陳廷金中郭

賢徽銘方瑛中書袁容中書張張忠剛曹良臣王履李遠郭亮薛貴吳璫宗禮趙何奕郭都張秘忠

壯張濂楊善忠教宋瑛忠順李賢忠憲朱英忠愍程實忠威張玉忠顯張觀劉安朱希孝忠侍廉薛孫興  
祖程國爵徐增壽劉球張世忠李彬李梅李洙汪一中王治道楊繼盛忠憲陳文孝勇王烈劉玉瑞教節  
曉朱義劉采林雲同毛愷端簡馬文升梁才顯任葛守禮精錦端簡楊時喬端廉真鍊何維栢端恪胡世  
甯泰金端數商大節端愍徐錦頭約貞襄林俊貞簡樊贊孫需孫端清簡耿九疇劉麟吳廷舉清惠孫繼  
魯清忠陳治周憲丁碧李光啓簡忠軒觀吳舉介簡李桂毅勇劉玉毅教王文馬炳然毅愍余子俊王廷  
相辛自修肅敏于謙其原簡忠烈鄂顯王榮章綸恭毅年富潘恩毅定王廷恭節陶汝鄭世威陳有年恭  
介趙輔周用張瀚林鶴曾鈞熊淡黃光昇嚴清和肅朱英尹晏戴珊屠楷魏校歐陽錫韓邦奇王鈞狀定  
向李傳王樵恭簡姚廣孝王忠蔣用文張麟賈鈺李敏張懋朱希周蔣瑤洪道王瓊朱希忠陳其學恭精  
王用汲恭實盧淵恭順孫忠恭恭陳瑄馬昂王瓊劉丙張瓊江東趙炳然許論石茂華楊炳恭襄李貞恭  
獻福信民范錫章採恭惠李讓廖莊白圭李燧李全禮馬森恭敏張景明朱輔許紳沐朝輔恭偉周壽恭  
和張瀚恭懿陳源鍾同陳選恭愍蕭彥定簡陳德定襄毛勝王竝莊毅張赫張悅常四三王復朱應秦民  
悅簡輔聞淵鄭文盛李浩簡宇王學夔陸光祖楊成莊簡張樹胡松雲志德莊肅仇成沐峴劉天和俞謙  
莊襄周道張煥胡拱辰口莊莊懿蔣廷圭陳文徐簡賴瑣宋瑛陳瓊莊增曹義李璣莊武徐問莊裕陳豫  
崧恭楊鼎林聰許詒陶諧宋濂莊教韓邦問譚祐新簡簡伯焦棧張水明舒化莊偉寇深莊愍馬傑楊守謙  
恪忠李彬剛毅張欽召家事簡新簡伯剛勇張數華周廷黃珂方良永屠簡潘濟方純陳瓊邱傑孫植衷  
貞吉簡簡陳壽簡壽湯和於顯馬斌襄武吳良襄烈吳慎李英譚廣焦禮程信項忠韓雍秦絃許進王邦  
瑞潘鑑彭輝楊博王崇古襄毅顧時梁瑤郭應聘襄靖屠滿鄭守愚洪鍾張岳吳文華吳惠王志王軾高  
友瓊襄簡顧溥襄恪陳亨郭義馬倫楊泰刑年簡尸向正王水和郭榮李秉章方黃鎮李寶鄧廷瓊王廷



張新周金唐澤王以旋着萬達李遂譚翰鄒洛襄敬張信襄慎胡忠憲襄懋柳升丁欽方寬馮植曾鈺張

經襄沈清襄榮祥琬毅毅陳壽李世達教沐紹門敏靖彭紹惠安沐春惠襄張勳高邦宗舉康介

于憲康懿楊守隨李鐵祥文李胡韶康簡孫忠鄒幹簡錚康靖陳俊徐貫林廷樞康懿胡宮周李鳳李承

勳楊志學宋禮徐文壁唐惠王鍾康穆白昂趙康敏李尤嗣康和陸瑜屠勳邵銳周倫蔡震王承裕

斌李環康偉方壽祥劉泰庚順任禮儀武慶紀偉靖王鍾陳錄吳克勤周李麟湯世隆傅敏吳守義紀廣

蔣仁元名位順沈榮偉愆袁洪愈安節王宗彝安簡常重五安穆蕭綬張偉靖襄常六六韓誌馬榮壯武

海淵壯節何德壯毅吳成馬聚梁成吳克忠衛穎壯勇高文壯靖趙勝壯敏馮恩岳懋壯恩周武張軌勇

襄孫殿威武劉聚威勇吳復王聰楊信威毅郭英手銳威襄施聚威靖薛顯桓襄王宣桓義沐英陌靖即

廣景成郭子與宣武劉德懋節陳清崇武梅殷榮定馬亮榮毅吳中韓偉金濂江寧人孫

繼宗袁宗昂賢榮襄梓元榮蒸協端明郎景和榮簡再保羅秉忠榮壯陳政周能翁溥方銳王源顯仕

隆夏儒陳景行榮靖李玉周武蔣輪孫交孫呆陳萬言顯可學錢承宗安國伯東城人徐光祚顯寶榮傳

欽張崙邵立榮和沐斌朱鳳榮康陳垣榮豐井源榮慈朱滂榮惠卻永隱懷李珍傳右見前部

顧應繁所輯臣等纂考文武幾七百人按是編纂于萬歷三十七年故追隨諸臣及後來者皆未載也七

百人中文臣共四百五十餘人應繁之言曰體典予嘗掌于祠曹洪水兩朝五十餘年僅數十人而文臣

惟王文節胡文穆朱忠定朱忠定嘉靖四十五年中至一百八十一人萬歷三十七年以前至六

十餘人

司馬遷公嘗言體之美者極于文正後竟得之外此惟王沂公范希文皆體文正終宋世三人而已若李

司空王太尉皆體文貞後以犯仁宗嫌名遂呼文正非本也 本朝體文正者睢州湯公騫諸城

劉公輔大興宋公 隴州保乾隆年補

劉知幾曰史書樂周禮字深附九重地處禁中人同方外可以獲拙可以感愚或終年卒歲竟無刪述而人莫之知也或輒不自檢輕弄筆端而人莫之見也編衣直指所莫能繩強項申威所不能及斯因素殞之窟宅戶證之淵藪也見陸文裕集



卷二

山陽阮葵生著

翰林故事初入館於前盤投刺書侍生而口稱學生七科以前則書晚生未及七科而官至庶子以上亦書晚生洗諱以下則否竊怪庶子與洗諱書謂同爲五品不應分別等差若此嘗問翰苑諸公皆不能言其故但云俗稱庶不見庶而已心竊疑之今年歸里質之家大人云於故籍亦無可徵但明有舉坊學士之官而員不恒備多以庶子兼之蓋其始止於學士稱晚生而其後亦用於兼官之庶子沿襲至今遂並用於不兼學士之庶子矣

翰林前輩稱後輩曰館丈必四科以前之前輩或有師生之誼者則可否則無是稱近見翰林一經教館授職與新庶常作札數曰館丈醜甚

魏文帝黃初五年立太學初詣學者爲門人滿歲試通一經補弟子滿二歲試通二經補文學輩故不通經者聽須後試故後試者稱先試而得第者爲先輩唐時舉人呼已第者爲先輩其自謂則曰前進士又紹聖間王聖塗瀕水燕談云蘇詩詳漢相禹珪之子建隆四年進士第一人登第初還鄉里太守置宴以慶之樂作伶人致語曰昔年隨侍嘗爲宰相即君今日登科又是狀元先輩又司馬溫公勸學歌云一朝雲路果然登姓名亞等呼先輩幾半葛帝之丹陽集云小說載優人扮季義山服藍縷衣或曰先輩之表言前名也唐人詩集中稱先輩幾半葛帝之丹陽集云小說載優人扮季義山服藍縷衣或曰先輩之表何在王直方詩話云蕭貫常夢至宮中賦詩有一人曰先輩某日必貴春渚紀聞載劉仲甫謂脫不疑先輩名品高著人傳今秋來試南省王元之贈狀元先輩孫儉詩自注云予清化辛卯歲贈君詩云明年再就幾陪試應被人呼小狀元其後末句云還有一條遺恨處不教矣後在口門又送第二人朱巖先輩從

事和州詩榜眼科名釋竊初若以四家所載觀之則以先嚴爲稱呼決非前輩之比又章莊澆花集有癸丑年下第獻新先嚴詩墨客揮犀言今人於榜下擇婿曰懶婿有一新先嚴少年爲貴家所慕欲以女妻之彭應來有賀新先嚴二千八人及第詩結句云回頭應念差池者重待鵬和振羽毛若以爲長上先生則安得加一新字又安得曰少年耶庶言載牛僧孺應舉時韓愈皇甫湜見之於青龍寺稱牛爲卽先嚴田表聖錫咸平集與胡曰書云秀才卽先嚴乃卽日可爲先嚴也其義甚明當時有稱道士爲先嚴尤可笑也

文中子謂魏徵曰杜曰先嚴雖稱明侍  
進非重尊程仇之比是稱時已有是稱

兩漢之世登對賢良崇尚經術親臨講肆數幸膏林如張輔侍講御殿劉寬侍講華光皆上意偶否非故事晉宋以後談莊老山水經籍闊度矣開元始設經筵任以要官儒者豈與經術之效可睹宋制春二月始至端午秋八月始至夏至每雙日入侍選英文學侍從更番輪直建炎中命近臣四人充講讀之官凡治政之暇就宮苑遊憩之地隨時取旨入對元豐以後兩省竊端以上咸得兼之宗卿秘少著作佐郎及御史丞中書令並得直講賈昌朝以善說得名葉彥國以史院兼衛胡銓以宮觀留侍程子謂講官以范滂夫爲第一能得對君之體尹和靖每起宣召從容論議有儒者氣象宋代之制稱極盛已金置益政院於內廷日以二人輪侍所講大都尙書通鑑員觀政要耳元置端本堂爲說書之地明之制以翰林學士掌詞翰文章凡經筵日講之事皆承受而統領焉侍講侍讀之官則專講經史爲職業史令翰林分班入直陳說古今孝弟忠信及民間田里稼穡之事我 胡右文崇學順治十二年設講官八員又置 起居注館於太和門凡郊祀壇廟及御門聽政之朔令滿漢講官各二人侍班紀事紀旨悉以實經筵之日上御文華殿經筵講官進經解講畢候 玉音宣 御輪按經筵講官以尙書侍郎內閣學士羣院讀講學士詹事少詹祭酒及左都御史等官之由翰林出身者列名以原官充補其日講官十二員則自羣院

學士及詹事以下凡現任之坊局編檢以上皆得充是職

隆壬戌以前翰林稱前輩曰老先生乙丑以後間有稱前輩者近則內閣都察院吏部二部無不稱前輩設仍舊稱無不怪而叱之昔王凝稱司空表聖爲先嚴東坡稱李方叔爲先嚴所謂先嚴實乃後輩也康熙己未鴻博之徵一時人才搜羅殆盡國家定鼎數十年德意培養文教昌明如寶山初開琳瑯盡獻行歎盛矣按是科如張武承李天生錢越江季公凱施慈山皆學行純篤不愧儒者湯旌州理學經濟一代名臣朱竹垞吳志伊毛西河汪鈍翁沈深經史彭漢門季石巖喬石林陳其年張敬文石稔室皆博雅之士卽尤西堂邱季貞秦對岩黃忍庵汪舟次徐菊莊以詞客著名亦足鼓吹休明有光珥圭方邵村嚴錫漁翰事稱絕其未錄而賞給職銜如國澄卽尤博物君子冠絕一時者矣是科讀卷爲杜寶坻馮益和葉崑山李高陽四人搜羅盡以可謂知人而賞時無名子造謠云自古文章稱李杜於今李杜亦希奇葉公曠願連龍馮馮婦龍被虎欺宿推集抄玉賦以圖於一夕失粘出韻省耕詩若教修史應蓋死將國君臣也胡眉又有謔前生李周吳陣亡之語皆輕薄不學遺落未選者所爲尤可怪者鄭寒村集中二刻云博學鴻儒本名寶聲詞客莫替若比周休得尤寔吾門第須須怨父兄補遺何因也勳心粉粉求薦竟如林總然博得虛名也袖裏應持念四金又自注云地儒一名價須廿四兩此亦謙浙人之求登薦者居然刻之詩集殊爲不學蓋一時廷賞虛聲及闕閔子弟之驚名者亦不無溢譽云

前己未三月初一日試鴻博於體仁閣用矮桌列陣下作文賜宴列高桌五十席每席四椅太宰二員掌院二員南北向坐謂之主席凡一日內閣大臣擬題高陽擬題王衡賦賦得雨中春樹萬人家寶坻擬王者以天下爲一家論省耕詩益都擬十三經異同考耕籍詩項去浮關學擬士先器讓後文藝論賦得春殿時燕赤羽旂李齊齋關學擬阿曠碑贊道人向化歌李吉峯院擬圭璋特達賦三江九江考賦得



臣奏進 上謂大臣一叩首羣臣皆叩率儀以金卮酌酒賜大臣承應上陳十八學士登瀛洲昆明池昭  
睿選詩故事 上召大臣至 御座前賜酒咸跪飲退侍衛分授羣臣酒藥止 上至齋房更衣省災  
熱出回宮大小臣於院門外跪送方議初設 上勅兩翰林曰時當小陽和煦如春天心交洽朕與諸臣  
交慶之命以張說東望闕府五律字各分一字賦詩又命羣臣合賦詩以體一篇 上首倡詩依次  
分韻俾凡翰林及散官各賦者共百六十有五人爲水陸上時 上指卷下洲車願兩翰林曰卿  
等無愧房杜願朕弗違唐太宗耳 臣惶恐過席奏 陛下上 堯舜過唐太宗遠其臣等謹先幸際昌  
時城出房杜下 上又指昆明故事論證臣曰翰林以文章爲職兼其古文見道爾等當明此意選臣棟  
然教總寫學各賜 御集名茶文綺著句時果等有差 御製七言長律四章宣示命和金玉飾集條  
理之大成星耀日華冠色符而首出 臣謹奉風之春制願卷附而矢首揚榮華應誓立就儲賚琬琰  
傳之無窮洵一代之昌期千秋之盛典矣

明永樂初翰林在禁內供奉無公書正統七年于玉河橋以元之故地建寺爲之 明末詩話翰林中書書何  
王野賢澤長語宋時兩制皆文學名天下者始應其選雖一甲三人亦出知外任然後召試欲其知民事  
也其餘應試率皆一時有盛名者所謂制科是也故文學之士不至遺棄又通知民間利弊以其行試於  
外也今翰林侍從亦兩制之類專用高科一甲三人終不外任庶吉士每科或選或不選立法之意本欲  
使之種學綴文以爲異日公卿之一 上既以此選自可坐致清要不復苦心于學又不通知民事天下以  
文學名者不復得預選才頗多故不若制科之爲得也 按兩制者始于宋時以翰林學士帶知制誥  
之內制以他職帶知制誥謂之外制

明陳初任翰林學士保孔曰馬昇授爲檢討仍兼辦文案事宜此辦事翰林之濫觴也商文毅極論之以



爲非禮雍正間學院學士選近科編檢有吏才者充是選奉院先往拜後任事履任之日廳員再持兩院名刺至門教請然後出厥後乃有紙不紅之嘆矣

教習學士到館舊例行工部給坐桌椅錫碗筆架銅象硯掛牌冬夏門簾公會桌椅鑪火盆等項每月給銀二枝香墨二笏戶部給心紅一兩康熙四十五年停止

庶吉士到館舊例行工部修理房器具器用每日每月工部給純毫水筆五枝香墨一笏每日口部給呈文紙一張食米三合五勺工部給木炭二觔酒三觔肉一觔鹽五錢康熙十四年裁呈文紙一張木炭一觔筆二枝酒併給十七年內鹽併給四十二年諭庶吉士讀書著出稅差人員酌量補助遊一旨議准兩淮兩浙長廣廣東河東福建等處鹽課銀各八十兩淨監湖崇文門等處稅差銀各八十兩海口海安等處稅差銀各七十兩北新鳳陽閩海太平橋龍江等處稅差銀各五十兩揚州蘇州天津粵海浙海臨清關等處稅差銀各四十兩山海關江海南新等處稅差銀各三十兩共計銀一千四百十兩將此項銀兩交與該部每年照數於出之官員名下撥充修木衙門分給庶吉士其中若有患病丁憂給假回籍者將其應得之分俸交回該部其見給銀兩俱於上年出缺官員名下撥收庶吉士讀書三年御試授職之後俸其給發四十六年筆墨木炭俱停給

沈谷子名南疑平湖人作恭京春酥五十首云曉直歸來數八軀但逢三五去朝大東堂舊有承恩事大例關支月俸較腰關新鋪小炕珠乳茶紅暎玉燭光日長院裏無宣喚結得清書又幾行春品菜果開錦欄日斜宮樹放流鶯如來漫點黃柑樹馬上新茶已入京舊蘇席常之在館者三五入直卽今之坐班也魯事府衙門於順治元年設仍舊址是年旋裁併入內三院九年復設十五年裁康熙十四年復設四初會試以百名爲半間有增損多者如洪武十八年永樂三年俱四百七十二名永樂十三年三百五

十名少者洪武二十四年三十一名三十年五十二名成化以後俱以三百名爲率而嘉靖後亦有數科  
廣至四百名者俱臨時酌定

場屋字號用千字文宋時亦有字號字多不經見者嘉祐中溫公覆考應制舉人於直言敢諫科試策內  
有區植兩號詞理高絕植字號乃蘇子山谷字植字皆字書所未有

宋禮部設納試卷因國學至天下所解進士諸科書試者約六千人當時推爲極盛

近日士子入試書填履歷及初入仕籍者寫脚色俱注明並無假冒違碍等情宋人書脚色崇觀間云不  
係元祐黨納納與間云不係重察宋王親屬慶元間云不是僞學方與錄

鄭端簡云國初開科務取博古通今之士乃其所試僅有判語及一二時務策生徒莫不識律所云時務  
盡撮拾帖括以故士多通今之學其於政體得失人材優劣且不論只歷朝紀年及后姓陵名如者亦鮮

明景泰癸未二月禮部貢院火舉子焚死者百有十六人斃入樓起者與焉正德三年戊辰正月英惑守  
文自二月試事貢院火起二十七日又火至公堂焚其半小錄版俱燬

嘉靖二十三年甲辰禮部尚書張潮謂士台試至於試院

唐試士式塗幾字乙幾字乙音主與社同文字遺落從旁添之也爾正文不加點點塗也加乙也又東  
方朔傳云止飲乙其處如讀書其止處也今科場令士子自注添注塗改其幾字過百二十字者貼出

於錄寫改文字之弊乃除

唐天寶十載九月上試製才瓶器舉人通場下第見冊府元龜

萬歷丙辰會試大學士吳道南禮部尚書劉整先充考官以沈同相等三百五十名同相吳江人家饒阿  
堵鄉舉已招物議會試榜放居然首選下第舉子憤憤不平泥汚榜名聚眾聲闐及閱題卷首藝坊刻也

科臣奏其槩按木房檢擲上命禮部試題出賢君必委檢禮下同和問是書乎是經乎是論乎日暮曳  
白發刑部訊問杖而徒之其卷乃同榜第六名進士趙鳴陽傳選並削其名是科會錄無元吳人謠曰丙  
辰會錄斷去和六 己未殿試賜一甲進士莊際昌等及第出身時際昌卷有別字又洗補未淨科臣楊  
漢曰以狀元而有別字必三百人皆不識字乃可以狀元而洗補必三百人皆曳白乃可一時以爲名言  
嘯宋集英唱唱執政林億當傳姓名不識字以寡學被黜近世士人以經義致身誤書誤讀不知凡  
幾當獨際昌哉 天啓甲子鄉試原勸德瑛以意調山東江西湖廣福建四省考官於外奪其三級并舉  
人艾南英等停科魏瑤日不識丁知試卷作何語皆違逆其意者暗爲指點也繼是而遂爲點將錄東林  
朋黨錄東林同志錄矣點將錄乃吏部尚書陝人王紹徽所輯忠賢乾兒也當時稱爲王想婦都人撰百  
子圖傳奇刺之

中州集第八卷載擢第者廷試時務策自高有隣發之此殿試試策之始開寶殿試進士內出未明求表

賦設爵待士詩仍不異禮部考試之法

魏門  
官集

考試官員用表裏請始於明洪武十六年賜宴於禮部始於永樂七年

本朝殿試重書法而以策文入選者亦多名作如馬世俊蔣超韓英繆彤精策皆一時紙貴鄭塞村與仇  
道杜詩云吾文講學盡時忌君侯匡時置覆盆注云治柱殿試卷直冒閱者不取

前明主會試三大者王元美推爲盛事我朝熊孝感相公五主會試范文端李高陽陳澤州朱高安張  
文和史文靖皆三主會試劉文正介受祀宗伯凡四爲總裁

我朝科目有歷代所未及者一崑山徐氏三兄弟皆大魁一也彭訪濂與其孫芝庭南宮廷試俱第一  
二也至三元則百餘年來纔見錢殿撰梁一人放榜後御製詩云國朝經百載春榜得三元又云王曾

如可繼違弼我心存蓋以沂公望之也先是康熙壬子韓慕廬以南卷置第二癸未干樓村鄉試已定百解改置第六乾隆辛未吳穎雲會試亦定元復以策滿引改第二十始有數存其間耶明黃觀亦三試皆第一死建友之難成祖命削其籍今人止知商榷矣

康熙戊辰科仁和錢紹雯少習清書試對策用清漢合璧體書置二甲末雍正庚戌貢士宋長城對策有請廢科目之議置三甲未俸其選用注乃元人所謂過處拆橋者耶

康熙壬午張睿以副都御史典試陝西雍正丙午唐有堂以中書典試浙江乙酉陸耳山以中書典試浙江中書主大省鄉試此外無多見也

辛卯江南正考官左必蕃由舉人起家副之者為趙晉榜後奉旨勸問江南士子有趙子龍一身是膽左邱明兩眼無珠之語

江南康熙癸卯鄉試一榜出兩甲五尚書三大學士典試者為編修王鼎工科給事王曰高近則己卯一科得人最盛十年中已出二殿元崇大成山南巡召試授中書者又三人

己酉浙江鄉試主考為任香谷王大山兩先生得人最盛然名中當時者二人俱中副車胡維威大游齊次風召南也

會試同考房運亦有盛衰給事中劉顯績大興人明季癸未本房得成克寧大學姚文然刑部魏大貧士順治丁亥再為同考本房得王熙大學李少芳大學程芳朝一甲二名蔣超三甲才琬川又陳午亭

相國官庶常時辛丑為同考本房馬士俊一名孫董縮一名又康熙庚辰科仁和翁滿年本房得張廷玉大學馬廷儀刑部又乾隆乙丑科錢湘人琦本房得蔣元益會錢維城一名戊辰科李然山

金粟本房得梁國治一名汪廷瑛一名丁丑館選南學際本房館選分部即用知縣二年老者以教職即

用無一歸班者是科處紹弓文昭王仲涵洛本房所中俱歸班

科名有無命定之矣即中式名次之上下亦莫不有數戊辰會試鄂虛亭閱江南卷中定三千本又另備十卷暗置四榻枕下以防意外更易及進 呈前十卷內江南一卷後場犯諱撤去發而小胥取床頭十卷來十卷因亦自別高下而小胥抱卷急趨逾限而仆倉皇其信手拾取以進鄂公即取最上一卷置第十名及進呈 御覽繕置第一即今禮部前部字也

世祖時引見新進士楊廷鎮多鬚年已及暮特與館選次日復召見瀟臺楊將鬚微剃去 上見大不悅有國家取士以才不以年之論乾隆四年己未沈歸愚引 見 上呼爲老名士亦與館選國家不以年齒拘成格如此彼以年少自矜簾衣刺面甚至傅粉塗膏以取悅者其不與儉冷小史共笑也幾希記宋初有何朝宗者其鄉人十八登第太祖曰此人未有鬚恐未老成不宜與第且令讀書至太祖始登第鬚亦何負于人而斬斬刈之耶

東莞尹之達順治丁酉舉人至康熙丁酉年八十秋榜發巡撫廷赴鹿鳴宴主試嚴忠位贈詩曰六十年前攀桂客天留碩果到今時已從石室傳丹訣復與瓊筵泛玉卮金粟山頭清白吏珊瑚洲畔去來河非酒非見窮經術百歲常爲後輩師康熙乙卯鄉試松江唐進士昌期年八十矣以萬歷乙卯鄉試亦與先後同年之會有客贈以句云鷹揚杖屨追前哲鶴薦科名接後賢九老香山問豈裏□□□藥酒邊乾隆己未摘秋谷與新貴遙認同年沈歸愚詩云後先己未亦同年辛未會試黃崖圖先夕遼新進士至邸寓會同年賦詩飲酒釐下穉盛事至庚辰會試史漢陽相公年八十亦修故事 上賜以詩壬午閩中黃丈莘田在亦重與鹿鳴之宴自制軍楊公廷 以下俱作詩贈之莘田吾鄉許驥齋給諫所取士也上元嚴學士 禮部試會試殿試皆第二人自刻印前曰選人出一頭地

東觀漢記載鄧顯知舉宣宗案科名記鳳閣副員外郎起瑋探訪諸家科目記撰成十三卷始武德元年至大中十年敕付翰林白今收榜後並寫及第姓名及所試詩賦題目進入內仍仰所司逐年編次明三百年鄉會試並沿其制康熙初停止至庚戌會試乃復舊例鄉會試錄仍進呈乙卯鄉試以兵餉不足再停止尋復丁酉後九卿議裁雍正元年癸卯恩科命復刊刻

同年榮以齒爲序不以爵昌黎祭張員外季友文云元和十年月日中書舍人王涯考功郎中知制誥韓愈禮部侍郎崔龜京兆尹許季同考功員外郎庾承宣河中節度推官殿中侍御史邢冊等皆貞元八年之同年也崔列韓後是不以爵叙也

唐書引國史補云進士爲時所尚由此出終身爲文人其鄉會謂之本場通稱謂之秀才投刺謂之鄉貢得第謂之前進士互相推敬謂之先輩捷謂之同年有司謂之座主京兆府考而升者謂之等第外府不試而貢者謂之振解將試則保謂之合保至是而賦謂之私試造請權要謂之關節激揚聲價謂之還往既捷列名慈恩寺謂之題名大宴曲江謂之曲江會館而入選謂之春闈不捷而醉飽謂之打盹驛匿名造謠謂之無名子退而肄業謂之過夏泐業以往謂之夏課焚臧入試謂之書策進士始於大業中盛於正觀位極人臣不由進士終不爲美歲貢常八九百人謂之白衣公卿又曰一品白衫其艱難謂之三十老明經五十少進士

康熙乙丑科會試命將前十卷進呈候欽定名次後著爲例今上庚辰科殿試始命前十名於傳臚前一日引見欽定名次

江南鄉試詩六房以六房春秋一房禮一房書四房上江中四十五名詩十五名易十四名書八名春秋二名禮二名下江中六十九名詩二十二名易二十名書十三名春秋四名禮三名又上江五經二名下

江五經三名後五經中式奉裁部議任釋各經中佳卷補之上江副榜九名下江副榜十三名

試會試書無廷對傳臚之例自明末崇禎辛未科始從方逢年之請也是科狀元爲王來聘後以副總兵戰死

明會典洪武初年定四科三途之制曰賢良方正曰聰明正直曰孝弟力田曰通經孝廉爲四科或從者民或從稅戶人才與科貢之士並用

生員升率性堂許積分五月試經文仲月試論及詔詰表季月試史策及判文理俱優與一分理優文劣與半分歲內積至八分者爲極格與出身不及分者仍坐監肄業先是通四書未通經者居正義崇志歲業堂文理條達者升修道誠心堂經史兼通文理俱優者升率性堂

康熙壬午年召舉人查慎行錢名世監生何焯汪灝入南書房考試特賜焯灝舉人

康熙己卯順天鄉試八月十八日夜明遠樓上有小兒啼聲尋之得女嬰甫生監臨令送交育嬰堂

順治三年丙戌會試中式四百名內山東九十九人殿撰傅以漸聊城人也先是乙酉鄉試及京兆試山東共中式九十五人而丙戌聯捷進士者四十九人 四年丁亥會試中式三百名內江南一百二十四人殿試一甲三名皆江南是科會元李人龍二甲傅楨于明賢皆不與館選後至大學士者凡五人呂武進宮黃文傳樓李文襄之芳王文靖熙馮文毅溥馮丙戌中式至丁亥始殿試

乾隆庚午浙江鄉試八月十三夜燬屋中間轟喧之聲如江湖驟至舉子俱奔赴號門時號不止臨試官不能禁而外間殊寂然無聲也次年辛未三月十五日大雪士子忍凍不禁而雷電交作又無異盛夏時皆一時之異

康熙辛丑會試揭曉之日風霾大作板木毀垣 聖祖降諭旨謂是榜或有真才應抑或中式者持有大

軒懸出其中俱未可知云云見 御製文集

老學菴筆記云國初舉人對策皆先寫策題不過一二十句其後策題漸多而官題如初舉人甚以爲苦  
慶歷初賈文元公爲中丞始奏罷之此試卷不書策問之始

宋寶祐四年之登科錄首簡載五月初八日試策題一道次列敕差詳定官三人編排官二人初考官

三人添差初考官四人覆考官四人初考官一人覆考官一人爲王次對讀論封選

捕官五月十四日皇帝御集英殿唱名賜進士文天祥以下及第出身同出身共六百一人當日赴期集

所六月初一日賜酌集錢小錄錢七日謝闕十三日請先聖先師廿九日賜開喜宴賜御詩七月一日再

給題名小錄錢四日拜黃甲錢同年於禮部貢院二十五日立題名碑此宋制也進士惟首名署第一名

餘俱署第二人第三人第一甲二十一人第一名文天祥字宋瑞小名雲孫小字從龍年二十治賦一舉

本貫吉州廬陵縣父爲戶好有以遠祖爲戶有以祖父爲戶或自爲戶者而宋戶口例也第二甲四十人第一名謝枋得字君直小名鍾

小字君和年三十治賦兼易一舉本貫信州直溪縣居弋陽雋林里父爲戶第二甲第二十七人陸秀夫

字射實年十九治賦一舉本貫淮陰鹽城縣長建里父爲戶一二甲得此三人亦奇矣第三甲卽必復以

下七十九人第四甲楊奇遇以下二百四十八人第五甲俞用國以下二百一十三人未簡載文公對策

一道右節錄吳  
寶星記

明嘉靖己未狀元丁士美殿試策存印丈時謹家子曾借觀與近日策式亦小異

章文敏忠白父名漢儒少年諸生早故萬歷己丑忠自夢與父同榜中式自謂不吉揭曉中第二名董誥

卷名漢儒亦同榜進士

宗室子弟于康熙三十八年己卯科鄉試一次旋即停止乾隆乙丑年復准與試戊辰會試得薦者二人



長誠平泰俱改庶吉士歷科甲式舉人進士例刻登科齒錄列敘祖父名諱官爵是科良平二公以係出天潢難於屬筆請命於掌院祁陽陳文肅公博詢於諸翰林先君子對曰宜書始祖某王下註云諱某係太祖皇帝第幾子似合諸侯不祖天子之義文肅深服焉

康熙壬午十月召試十二人 欽定撥敘第一查慎行第二時揆爲舉士查舉人因張京江相公薦入南書房

歷科館選無定額就一時之人才爲多專順治九年壬辰五十員十八年辛丑十員康熙三十年以前以三十員爲率其後以五十員內外爲率惟六年丁未僅十二員四十八年己丑至六十四員五十一年壬辰至六十六員雍正五年丁未三十七員而他途用者甚多十一年癸丑七十員爲最盛

雍正元年癸卯館選五十六員乙巳散館授編檢三十六員用六部主事四員中行評博九員州縣二員教職二員

康熙庚辰庶常四十三員散館授編檢十員歸進士原班三十員沈宗敬勳廷儀未散館亦授編檢未庶常四十九員散館授編檢十四員仍留教習二十員革退三員

順治六年己丑館選始分清漢書前此俱習清書  
順治九年壬辰始令漢軍隨漢人考進士館選者習清書 是科暨乙未科滿漢分爲二榜

康熙三年甲辰館選十五人皆年少三十外者概不選是科庶一滿勞之辨皆知名

康熙六年丁未罷經義以策論取士

康熙四十二年癸未散館三等始降知縣前一年考試情願檢閱臣其三等內有授知縣者二人故次歲散館亦因之

康熙四十五年丙戌散館漢書三等俱職

康熙四十八年己丑散館清書三等俱革職

康熙五十一年壬辰散館俱留館職不黜 先是己丑館選共六十四人至壬辰告病及他故者共去十四人赴試者僅五十人至是皆留館

康熙五十二年癸巳散館清書三等俱留漢書三等去翰林在教習進士處學習 始派小教習

康熙五十四年乙未散館止革一名餘俱留館 是年會試用房官三十二員

康熙六十年辛丑散館清書三等五名俱投職漢書三等四名俱革職又引 見革去二等三員

雍正元年癸卯散館△記十九人○記十一人皆投職部屬對品用二人外官對品用三人、先是辛丑館選六十二人至是散館僅三十餘人 是年會試仍用房官十八員 癸卯本科殿試後於保和殿朝

考命九卿保舉所知內有文有保二十一員點十九人有文無保十九名俱點用有保無文三十九名點十六人文保俱無一百六十七名點四人引 見即以此分先後不照原甲第是科清書止版五人張廷

珩傳誥後即授檢討與一甲三人同於未引 見前入南書房 館選後又補點節念祖一人 是科除庶常外另有△尖出記名十七人著問有情願在官學教習者令其自陳 又、單點記名三十人俱以

知縣即用 是科漢軍河南四川進士無館選者 是科中式未殿試者三十人

雍正二年甲辰殿試後在保和殿考四書文一篇詩一首命大將軍年羹堯閱卷又命九卿保舉後止題文錄用不用保舉館選四十人各部主事三十八人知縣十七人 清書派六人 進士用主事知縣目

甲辰後始爲例 是科河南山西陝西四川湖南廣東廣西雲南貴州俱無館選之人  
雍正五年丁未館選三十七人外以吏部主事即用五人以六部額外主事用二十二人以知縣即用四

人以知縣試用二十六人以教職用五人

雍正八年庚戌一甲授職外願成天胡宗緒二人俱即授編修庶常外用額外主事十八人其餘分頭等四十二員中等六十二員次等九十八員願就教職者四十八員不用者一員宋長城

以廷試對策請廣科

雍正十一年癸丑一甲授職外張若鶴授編修任啟迪授檢討先是張若鶴已定一甲二名拆卷後大學士張廷玉懇求降甲繼以泣乃特降諭旨改二甲一名授編修

乾隆元年丙辰庶常外部用五十二員卽用知縣二十一員丁巳庶常外分部二員卽用知縣三十六員助教一員

向例額外主事三年期滿甄別其勤能者以主事選用不及者改助教博士等官乾隆乙丑科分部者五十餘人及戊辰甄別留者僅十之三餘俱歸原班銓選嗣是以後則不留者少

歷科會元不與館選者李人龍朱錦黃奶緒邵晉涵繆祖培侯健融朱文翰

二甲傳臚不與館選者任大椿李長森陳秋水

三甲三人授職散館無不留館者惟辛丑榜眼吳文煥改刑部主事仕至御史乙丑榜眼莊存與再教習

三年

鄉會試之有副榜攻之前代名曰拔貢一作順治戊子科詔天下廩生中副榜者貢至吏部請選其最

者以推官用次知縣次州佐增廣附學中副榜者入成均禮讀滿一年送吏部歷事考用如廩生例後不爲例計順治甲午丁酉庚子三科皆舉行至康熙癸卯丙午己酉遂不許立副榜名色至壬子科大司成

某復請舉行如甲午例

徐文弘公湖先世業漁生公之曰江湖大上一小舟爲風漂沒餘幾數之得無恙何舟者爲陸省孝廉  
入都赴試者窮延至家致雞黍之敬次日洗兒請其命名以江湖之異遂名曰湖其後孝廉累不第而  
文致早達至某科以編修分校孝廉得售適出其門

順天鄉試各省文士會考故解元不拘何省明隆慶以前多以南士作解至天啟丁卯科給事中劉文炳  
眞定人請以北人爲解首謂燕趙爲至尊豐饒不當使他省人得時首然方從哲京師人遂定爲制

冒順天假登兩榜者終明之世不絕嘉靖中陶大順中魁被斥回浙中第四官至副都御史景泰四年羅  
崇欽中元被斥回江西中二十九名成進士又汪謙自香河籍中式被斥回浙登進士官至禮部侍郎卒  
附傳

唐時荊州解送舉人不成名曰天荒至劉蛻及第號破天荒蓋楚語也東坡嘗以詩贈瓊州進士姜唐佐  
云滄海何曾斷地脉白袍今始破天荒宋初江西無狀元紹聖四年何忠禮始第一謝民師詩云萬里一  
時開曠足百年今始破天荒

狀元宰相古今豈解我朝順治丙戌至乾隆己未百年凡得五人順治丙戌傅聊城以漸丁亥呂武進  
官己亥徐崑山元文芝隆丁巳于金壇較中己未莊番均有華宋人西塘詩話石揭休詩云皇朝四十

三龍首身到黃扉止四人四人者呂蒙正王質李迪宋庠也有明前百八十年爲科六十八人闕者止胡文  
穆與曹文忠和陳方洲和商文毅和彭文憲和謝文正和費鶴湖宏顧味齋和臣八人耳

康熙庚午江南鄉試得人最盛時同考廖騰聲負知名得劉捷卷首薦之時元卷已定主司欲置第二  
廖不可曰留來科作元遂落而景科元即捷兄輝祖也後數年廖以御史典江南試以書屬輝祖投擲  
爲隨中物色計輝祖星夜馳歸中途病阻書不得達廖入闈徬求始發不得太息累日及揭曉捷已矣然

舉首矣噫針芥之否夫豈偶然而使輝祖不病授膏區區一解元何足以顯文字適合之奇哉此事余聞之周白民先生云

明代重庶主門生之禮萬歷以後竟成門戶濫竽八年張璠嘗爲主考我諸生勿修弟子禮順治十五年戊戌給事胡悉庸言鄉會試不分經房不稱師生至康熙己未以後禁漸弛後修會典則許其修師生之誼矣大員外任同官照舊請題選候 旨行

明初主試官不拘現任家居洪武中取元逸老沈夢麟克恭典試事竣不願授官放還

正統丙辰進士陶希文以親老耳病告歸至天順乙卯成化辛卯浙江河南聘典鄉試 明紀楊少師以服闋主浙江鄉試王陽明爲刑部主事病痊北上爲山東聘主鄉試 至各省典試分遣京員始於萬歷乙酉非舊制也

夏彝仲五上公車不第曰始我初不第時意中不能無少動已而出都門見汗僂披落者車馬行於道習習若蟻然當此時自視亦蟻中之一也夫蟻一有求而不得豈可遂有疾惡悲憤之心哉即有之人亦何從知之天亦何能憐之自此以後失志而愈安處謫而益靜即他人代爲不平而我以爲無庸也

報羅之語見於唐人小說以予所聞每科皆有之而尤異者涇縣文公若家計已西同年也辛未會試中武揭曉後趨往賀之至寓則哭聲號震先一夕死矣計淡墨書名之際正旅館屈轅之時也

壬子順天韓奕出戶部主事盧元培少阿 董蘭亦出其門

近來會榜後蒙 恩於薦卷中釋文之佳者發明通榜以教職用在廣文各途中解最得人按明永樂初年令會試下第文字稍優者除數官其下者入監讀書即明通榜之意

徐健菴云兩漢官人始於辟舉遂有故吏解官行服觀擬心喪之條而傳道授業者漸輕矣唐重進士知

舉者謂之座主其時之人卽以事舉將者事座主開元禮爲座主齊衰三月是朝廷明明爲之制服終唐之世風若父子莫之敢備故五代時桑維翰爲宰相謁其座主發司東向書裝不迎不送曰門生也何送迎之有歐陽文忠載其事以爲有禮若范魯公李文正之於王德用王文獻之於和成繼以迄有宋之世蘇承旨歐陽公門下士皆竭誠盡力久而弗懈宋有同知舉及詳定官釋褐者並稱門生又如范文正以晏元獻薦入館終身爲弟子明世以鄉試考官會試同考官爲重其間黨同比附夥糾結門戶之費亦由之起霍文敏陷深嫉之其主試謂闈爲文以告舉子不許謝恩私第語其峻切文敏剛褊峭急其言亦欲救弊一時猶未以爲允自余論之舉主與座主皆爲國家選賢才以備任使其事其重非爲一己樹恩也而爲所舉者當思所自既不可以私以害公亦不宜忘本以違義是以趙宣子齋驪厥河曲之役宣子僕以乘車于行驂厥執而觀之宣子曰晉舉厥也忠既而下宮之驪非厥也趙氏不立其能觀宣子之僕者必能復趙氏之卿也明矣東漢第五倫朝會坐鄧宏之下宏以舉將之故踰階不肅朝廷爲設雲母屏風隔之禮其敬舉將意也唐魏知古爲姚元之所薦位至宰相後分司東都訴諸崇二子明皇薄之終身不用謂其不能報推舉者必不知感朝廷也柳子厚與顧十郎書謂纓冠束衽趨以進者咸曰我知恩當隆赫柄用而蜂附蟻合煦煦起起一旦勢異電滅颯近不爲門下用矣子厚爲顧少連門人身後高髻耶君猶自稱門生以未報大德爲恨韓退之嘗佐董晉幕晉第二子溪曰罪終長沙因贈溪女婿陸暢云我爲門下士力薄納與蚊受恩不卽報永賀湘中墳壘其於易世而後見其子孫戚屬動動思有以自效如此豈與一時趨附便許前知者同日論哉大約厚於師友者必不肯對父古者嘗以此觀人百不失一也聞百詩論有明士夫禮尊師弟重於父子得罪於父母者有之得罪於座主者未之有也門戶又重於師弟以師之門戶爲門戶者固多不以師之門戶爲門戶者亦不少也富貴又重於門戶有始附正人既而

與之爲敵者有始非邪說既而窺其黨將敗遂反攻之者皆繫於富貴也

雜記孔子曰管仲遇盜取二人焉以爲公臣管仲死桓公使爲之服季林曰此雖使爲之服亦以舉主而服然孔子以爲有君命則可蓋亦有不盡然之辭也

范希文登第後晏元獻薦入館後雖名位相亞書題門狀猶稱門生張籍寄蘇州白使君登第云登第早年同座主又楊嗣復傳父於陵自洛入朝乃率門生出迎權文公不由科第舉三年門下所出諸生相繼入相得人稱盛

漢書載尚書郎入直制物盛備至唐詩不覺唐書載尚書郎入直供青練白綾被或以錦縷爲之給帷帳茵褥通中枕侍史一人女侍史二人皆選端正妖麗者執香爐香囊隨衣服大官供食物餅餌唐詩春風侍女護朝衣又侍女新添五夜香沈佺期詩大官供宿膳侍史護朝衣韓退之詩應知侍史歸天上故伴

仙郎宿禁中

宋時翰林支快行家日食錢三千又折酒錢三百別賜水一擔若寓直支餐錢一千限日下支不准次日見玉堂雜記

宋元豐間凡三省官假日惟接見賓客不許出閣宋時天下賄賂文武職事官總四千一百一十八員大約十九路總數如此其無職判司簿尉又在此數之外

明正德中御史於巡撫幕晚生侍坐率叩後會坐尋移晚侍正坐尋解侍教生尋彼此稱侍教生尋彼此侍生矣蓋由南北多難遷徙既驟撫臣不必宿宿或與侍御同齋而功罪勳報臺中轉得持其柄故也

雍正五年以部司官在京則僭慢不恭出爲道府則謙抑過度令九卿聯名注 議定部院司官路過堂

官勅馬候過在木衙門辦事宦官高坐司官侍立說堂若事件多司官席地鋪席序坐說堂如在朝房辦事堂官席地坐司官一足回話宦官前往來趨走

舊時翰林編檢以上於中堂吏部尚書處投刺轉晚生於五部尚書左都總督轉侍生侍郎巡撫以下則否以余所見庚午辛未以前猶守此規嗣是則於侍郎巡撫轉侍矣旋於尚書總督轉晚矣近日又有於三品京卿解侍者矣先君林居十餘年與當事請大吏往選一仍故轍亦未有以爲忤者

則萬歷中年後吏部之權積重閣臣轉倦仰因之其可駭者遇升遷用人惟選郎一人主之至太宰火房面決可否其門徑皆選郎自爲敢問人莫敢窺至議定不獨他郎更不敢問卽兩少宰亦不與聞沿及末季遂有吳昌時之禍

六部中各分爲數部如戶部之金部農部禮部之儀部各部至明洪武二十九年始分爲司明制進士釋褐後分派各衙門觀政其與在部司員相見儀節亦各不同在吏部則執屬員禮兵部則輪前後發禮部則從師生之儀六部之弊政皆積重於吏禮二部其餘節亦獨抗惟戶刑工三部爲平交炎涼之態自登門之始已然矣彼時部員一拜副郎馬前卽用鞍轡與正郎科道比惟吏禮二部無之相傳錢曹白以職居華要欲比小京堂用紅鞍轡未遂所請并青者棄之禮部亦白以秩宗清望不比他曹亦屏不用此皆有則官常陋習其後惟吏部禮部皆認前後戲而他部皆平交相沿至今

查酒一則新翰林至本衙門惟三品甲騎進儀門庶吉士騎進頭門禮讀學坊至儀學學士登堂轉祭酒則從頭門外下轎翰林至吏部則皆山後門達大堂其餘各官俱於門外下轎不知此制始于何時三月二十八日都人至東岳廟祈禱相傳前像爲元時昭文館學士費抵剽元所造

雍正元年諭內閣通行八旗直省各營無日官員爲外吏者每受本梓都統恭領等官所創自司道以及



州縣於將遷之時必勒索重賄方肯出結咨部及得官後即遣人往任所或稱平日受恩黃金饋報或稱家有鄉裏緩急求助或以舊日私事要挾或五旂王府不體下情分外勒取或縱本府管事肆行貪求以致該官竭蹶餽送不能潔己奉公虧空查墨皆由於此嗣後如仍蹈前愆許本官據實封章密詳督撫轉奏督撫即據詳密奏倘督撫容隱即許本官密揭都察院轉爲密奏倘不爲奏聞即各御史亦得據揭密奏務期通達下情以除積弊外任旂員不得隱忍畏懼亦不治以犯上舉首之罪

宋景濂策問常袞之居相位也選舉不自專一命以上皆付之定法可謂盡公無私矣而賢愚有同滯之譴崔貽孫之居相位也未一年除吏八百多其親舊可謂出乎法制之外矣而當時有得人之稱後之宰相如以常爲法則涉于避嫌以崔爲法則近于專權專權致威福下移之謗過嫌失竭駁徇國之義而謂賢相爲之乎

順治元年改定官銜凡舊漢唐稱承政者改爲尙書稱叅政者改爲侍郎理事官改爲郎中副理事官改爲員外郎領者庫改爲主事 初設滿漢啟心郎順治十五年俱裁各部舊有漢軍郎中員外郎領缺雍正五年裁

各部院郎中滿洲初係三品順治十六年改五品十八年改四品康熙六年復三品九年定正五品 員外郎初爲四品十六年改五品康熙六年復四品九年定從五品 主事初爲四品十六年改六品康熙六年復改五品九年定正六品其他滿內閣侍讀宗人府經歷欽天監副給事御史俱初爲三四品康熙改定

考試月選官法順治十二年 諭州縣地方分爲三等應選各官吏部當考其身言翰名考其書判分三等上等等者引見又議准進士舉貢不論甲第考案前後以考試身言判判爲序每過缺出照本行並考

定等第酌量缺數人數多寡均分取選十四年俸其考試身書判亦不分三等一體取選康熙五十七年諭月官令寫履歷以三百字爲限雍正三年令月官履歷簡要直叙不事繁冗初授之員所得地方難易繁簡預爲轉運何以治民何以厚俗偏科撫字之術默然思訟之方令各出己見陳一二事於履歷後以觀才識其補任歷任者令將舊任地方利弊明白敷陳四年諭月官考試履歷條陳原欲其學識今詞問多不能奏對乃倩人代作者嗣後將代作之人及本人並以違旨例治罪後停止條陳今之月官考選止書履歷一通亦密封進呈沿舊式也

國初置內務府設總管間以大臣總理順治十一年裁置十三衙門曰司禮監兵仗局惜薪司鐘鼓司織染局十二年改尙方司爲尙方院十三年改鐘鼓司爲禮儀監尙寶監爲尙寶司織染局爲經局十七年改內官監爲宣徽院禮儀監爲禮儀院十八年裁十三年衙門仍設內務府所屬有廣儲會計學儀都虞慎刑營造藥房等司織染局又設武備院上駟院康熙二十三年增設奉宸院慶豐司嗣後間以王公大臣兼督府事

陸容文最言駙馬都尉本秦官漢有奉車都尉主車輿駙馬都尉主駙馬騎都尉主羽林騎是爲三都尉今數列侯曰公侯駙馬伯省文耳若施于章奏當云駙馬都尉乃止稱駙馬臣某悞也

唐宋以來中書省爲三省之一今內閣中書舍人尙沿古中書舍人舊名每見今人列銜止云內閣中書古爲省名今爲官稱矣

漢成帝時始置尙書員五人然自霍光以大將軍錄尙書事其權已重漢宣帝云初秦代遺吏四人在殿中主發書故號尙書尙猶主也東漢改歸臺閣三公俱無虛名尙書之權特重然其秩僅六百石屬少

府

東漢之九卿分屬三公所部如太常光祿勳衛尉此三卿爲太尉所部太僕廷尉大鴻臚此三卿爲司徒所部宗正大司農少府此三卿爲司空所部凡九卿皆中二千石 唐之六部亦觀於尚書省左右司各分三部

少府本秦官掌山海池澤之稅以給供養名曰禁錢少者小也蓋大司農以供軍國少府以養天子是天子之私財也後世瓊林大盈其祖儲此款少府屬員最多不止太醫令太官令上林苑令也卽侍中中常侍諸中官之屬及尚書令僕射尚書侍郎以下皆以文屬焉東漢又以御史屬附少府

官以事置事畢卽罷如前漢之行冤獄使者美俗使者河隄使者直指使者皆見各列傳中而百官公卿表不載蓋不在定制內也後漢范滂爲清詔使又任番周舉等八使分行天下皆授光祿大夫如後世兼官攝官之類如我 朝有觀風整俗使宣諭化導使及欽差大臣皆有印信關防而事後卽撤回無關官額三品以上用欽差大臣關防四品以下用欽差官員關防

俗語目翰林爲酸馱謂其擁腫而緩步也科道爲老病發聲不詳也又以富貴戚武貴賤比六部吏曰貴戶曰富曰曰貧兵曰武刑曰賤工曰賤也又以喜怒哀樂分屬吏部四司亦確老學耆家記一則云吏戶刑三曹富饒他曹寂寞時人爲之語曰吏勸封考三監兩艘戶度金倉和酒肥羊驛騎主膳談齋吃麵兵驢駕庫飲畫啣醋刑梯比門人肉餒飽工屯康水生成餓鬼又六科諺吏科官戶科飯利科紙工科炭兵科皂隸門科看有明工曹最爲冷房惟是問與大工增耶官十餘人營務尤難得職陞京欵或賜四品服語云馬前雙馬後方雙者棍方者棍督工者用之

明時京師諺云翰林院文章武庫前刀槍光祿寺茶湯太醫院藥方官其有名無實沈景倩謂正不止此舖生曳白無如國子監馬匹無下無如太僕寺天文因陋無如欽天監音樂舞舞無如太常寺格殺空虛

無如太倉庫士卒老弱無如三天營書之惡劣靈之蕪穢無如制詰兩房文華武英兩殿京官政事外惟拜客赴席爲日課然皆不得自由一入衙門則前後左右皆紹興人坐堂臬者如傀儡在案牘之手提東則東提西則西問有奇察者欲自爲政則故舉疑似難明之案久延不行之例令其耳目警亂物神洞徹至取上臚書若禽子宴會但聽小唱云請聽則聽詩酒則酒詩湯則湯弋陽腔數折各扶棍則去拜客則出長班指揮除赴朝會謁貴要外遠近遲速以及當求面當到廳當到門惟其所命即使置一個人於輿馬間不過如此有明之弊政情形如繪矣想其開創之初當無此事 宣德間顧佐疏禁官妓精神無以爲煥于是小唱盛行此輩狡猾解人意漸至詞察時情傳有秘語緝事衙門亦藉爲耳目其變者爲要津獨據斷袖分桃資予仕縲卽充功曹突而弁令旋拜丞簿而辭所歎矣此輩多曾渡人後則其定保定亦承乏而必僞浙人

據野

雍正元年卽史年熙奏山西兩省樂戶另編籍貫世世子孫勒令爲棍紳幹地棍呼召卽來俯酒間有一二知恥者必不相容查其祖先原是清白之臣因門永樂起兵不從遂將子女編入教坊乞賜削除奉旨此奏甚善交部議行並查各省似此者概令改業此制史竊莫奏除紹興僧民群無尹繼善奏除常熟昭文丐戶

丙戌會試前 上念舉班久滯命三科以前均行大挑分一二等用海帶滯頓疏士林踴躍錢曹亦免墮滯逾年外省大吏請分別量才補缺時爲之語曰九流三教一等等用知縣又借補府經歷直隸州州同州判屬州州同州判縣丞鹽大使藩庫大史爲九流二等以學正教諭用借補訓導爲三教也 正副考官如有事故不能入場者試錄後序用同考官銜名居首之員撰刻祇許撰序不許干預主考之

事會典

拾二年

康熙十七年定各省題名錄俱照河南省體式刊刻

共除客話卷之一終

衣

山陽阮葵生著

乾隆三十一年戶部奏各省地丁鹽課關稅三項共歲入銀四千四百萬七千零

七百四十二萬五千零

戶部支出

實餘銀一千六百五十八萬一千零

工部內府等

不在此數歲出銀二千

順治元年鑄錢每文重一錢二年改一錢二分以後屢有改定至十四年定爲一錢二分康熙二十三年

改爲一錢至四十一年改爲一錢四分雍正十二年改爲一錢二分永爲例

戶部寶泉局每年鑄錢七十六萬一千二百八十串工部寶源局每年鑄錢三千八百六十四串

雍正十二年錢重一錢二分每串計用工本銀一兩七分乾隆四年核銷每串用工本銀九錢八分三釐

大清會典載本朝順治十八年總計田土合五百四十九萬三千五百七十六頃有奇康熙二十四年總

計田土六百七萬八千四百三十頃有奇雍正二年總計田土六百八十三萬七千九百一十四頃有奇

雍正十三年江南一省錢銀一百四十餘萬兩之多自乾隆丙辰至今癸酉四十八年中江南共鑄銀二

千四百九十餘萬萬蕩蕩之恩古今未有

御製詩云或云民習曉或云官不惠膏非我所知所知痾瘵意

捐上新益下卦文義昭示蓋廷臣中有以施博難繼爲言者

井田之法原因土曠人希且在中原數千里之內故以爲良法先儒謂井田均田之制行于大亂之後是

爲求治行于既治之後是爲召亂其說確不可易自阡陌既開貧富本不一致地之山陵川澤肥磽水旱

南北之漚澆播植穉穉不齊屬在承平人安其業日用而不知一旦爲均田限田之法粉紆予奪參差錯

連百出而不窮此必亂之勢也說者謂當兵燹之餘汙萊遍野版籍蕩然人民死亡赤地千里因而徵田

爲權計口授產一經制而不維新庶乎其可然此亦不過一時之計三五年後戶口日繁人民遷徙必有不能均之勢明初解大神均田之策何嘗不因明承大亂之後起見不知雖經大亂而人民不盡死亡戶籍不皆灰燼賦畝尚有主名非比戶化離盡失恆產者比且立國已將二紀民間畊田納賦大局粗定一旦更張徒啟爭端非召亂而何至崇禎間李振聲復請限田一品官田十頃庶百間二品官田九頃庶九十間以是爲差逾限者房屋入官受價充餉田地入官□益淺陋無議矣

董仲舒初議限田後季朝元魏林動祖其說而皆不能行惟王莽王安石置似道三人力任以爲必可行而皆以擾害生民至于大亂似道首捐己田萬畝爲倡其法益峻其禍益烈曠其效可睹矣顯用方尚書君子也巡撫山東時令營兵于河工墾地小試之亦無成效

自乾隆六年辛酉勅部歲登天下民數至今已卯凡十九年已增戶口至三千萬有奇太平日久生齒繁盛伊古所未有也

司倉者不能辟穀弊庫者不能點金減縮餐而不糲食勢不能也漢宣帝益小吏俸宋仁宗益致仕官俸元世祖增百官俸歷代詔祿之典或豐或儉未若我朝之舊而均也京官給雙俸外官俸外有養廉州縣以千計督撫以萬計當此時而不惜錢非廉吏也當此時而猶愛錢眞貪夫矣

唐代宗時回紇以馬萬匹來市有司患其多請市于匹郭子儀恐違其意自請輸一歲俸爲國市之當時馬一匹直四十練萬匹當用四十萬練其時將相之富可知矣史載子儀月入俸二萬緡緡爲一千一歲俸卽今二十四萬兩矣子儀自河中入朝代宗命宰相置酒其第一會之費至十萬緡今銀數卽十萬兩亦太甚矣如是而欲國用無匱難矣唐制正一品月俸米七百石錢九千八百二品米五百石錢八千乃初制也其後日增大歷中權臣月俸至九千貫刺史無大小州皆千貫若汾陽以異姓王祿將相俸入

尤不替世祿之家怙侈滅義非所以愛之也

張楊園謂四海之窮皆由于游民之衆且未論其他卽如生員軍伍吏胥三種人俱不可少者然無用冗食十而八九矣

陳幾亭曰天下有窮根凡耗物生費人力而無秋毫之用者皆是在物曰骨董玩器曰雕鏤繡緝曰白土曰楮錢在人曰優倡曰清客曰僧尼曰衙役帶身曰不耕不戰之游民冗兵 白土俗名光粉條枕產泉多置米中助白色不過市井作偽而耗米中之精華久而爲枯食之無味楊澗亭因言幾亭之言特舉其末焉者大而貪官傲弁小而劣師積醫蠹處處有之非徒無用又害之矣

靳紫垣河督上生財疏稱地方一里有田五頃四十畝地方十里方一里者百有田五百四十頃地方千里爲方百里者百有田五百四十萬頃依王制所成山陵林麓川澤溝瀆城郭宮室塗巷三分去一計之凡方千里之地實有田三百六十萬頃其間有棉花蔬菜菱荷藥草不係五穀再除四分之一計去地九十萬頃外仍實有田二百七十萬頃什一取民古之常制每一畝合夏麥秋禾計之瘠土可收糧一石什一科之每畝徵糧一斗每頃徵糧十石二百七十萬頃徵糧二千七百萬石內以一分征本色歲可征糧二百七十萬石以九分征折色每石折銀四錢而有昂魚鹽之利不與焉今直隸十四省之地不下方五六千里今姑作三千里科算爲方千里九萬畝賦亦可有糧二十四百三十萬石有銀八千七百四十八萬兩此臣準古證今乃不易之理必得之數今直省額賦不及三分之一何也蓋有二大弊而世莫之察一曰水利不修也二曰賦輕民情也三曰生者寡而食者衆也紫垣此疏事屬難行然其胸次亦可謂通知古今而自有天下全局者後之人未能及矣但直省形勢不同山岳江湖幾去一省之半不毛之地沮洳斥鹵確之區曠衍無人之所至西北一帶十分幾其六七安得計里以定賦乎卽以順天一府



而論其中不耕之地多於已墾者天時晴雨之難料地勢旱潦之不齊人力工拙之非一所以近在咫尺而不能墾墾况四海九州之大且遠乎至什分取一之說我 聖朝初未及百之一也蓋善政邁千古矣紫垣殆未之細思不過據陳潢之臆說徒違聽耳

歲漕五等曰正兌米入京倉待八旗三營兵食之用以乾隆十八年奏銷冊計之山東十有五萬七千九百九十四石河南八萬一千六百二十八石江蘇百有七萬六千三百九十三石安徽三十萬七千十有六石江西三十五萬五千五百有三石浙江五十五萬四千七百四十七石湖北九萬四千五百七十四石湖南九萬五千五百三十一石各有奇 曰改兌米入通州倉待王公百官俸廩之用山東六萬九千四百七十

三石河南三萬九千九百十有二石江蘇九萬二千四十四石安徽十有一萬八千八百四十五石江西十有五萬一千八百五十石浙江一萬九千三百六十五石各有奇 曰白糧分入京運倉供內府光祿寺以待王公百官各國貢使膳餼之用江蘇六萬九千四百四十七石浙江三萬五百五十三石各有奇

曰鞋麥入京倉供內府之用河南正兌五千八十六石改兌三千三十三石各有奇 曰黑豆入京倉待八旗官軍及賓客館牧馬之用山東正兌四萬五百有四十石改兌萬六千五百石河南正兌三萬二千六百七十四石改兌萬五千五百八十八石各有奇 凡漕糧改折曰永折米徵銀解部山東河南歲折

徵各七萬石江蘇十萬六千四百九十二石安徽七萬五千九百六十一石湖北三萬二千五百二十石湖南五千二百十有二石 每石通折銀五錢五分 曰改折石灰米徵銀解部待工部灰石之用江蘇歲折銀二萬一千一百十有六石浙江萬三千三百二十三石各有奇 每石通折銀一兩六錢八分

凡漕糧經費曰正耗各省正兌米每石二五 二斗五分 加耗改兌米一七加耗以備通州五牌運耗貯貯折耗及運軍回船食米之費 曰經費正兌米山東河南每石一六加耗江蘇安徽二六江西浙江湖北

湖南三六改兌米江蘇安徽江西浙江每石二升加耗

山東河南改兌米不徵

均折銀發解倉場通濟庫

漕船至通計運道遠近每船給羨餘銀又按到通米數每石給鹽夫銀各有差

唯山東河南道

日船非

除山東河南及江蘇徐州府屬之銅豐沛蕭湯漕船不給其餘船正兌米每石一五及五升加耗改兌米

二三及八升加耗各有差以給運軍沿途耗折

日席木各甬正兌改兌米每二石徵草席一以十分之

一七隨船解通爲倉庾苦蓋之用江西湖北湖南每正兌米二千石徵榜木一松板九以十分之五解通

爲倉庾鋪墊之用餘均折銀改解通濟庫浙江及江蘇常鎮安甯池太等府太倉州徵板木如之皆折徵

解庫

日行糧月糧各省運弁運軍凡出運之年各支行糧二石四斗至三石有差運軍月糧八石九斗

至十有二石有差或折銀發給或銀米各半各因其地之宜山東蘇松江安糧道所屬半于領運時較給

半徵解水次六倉山東則臨清德州江蘇安徽則江甯鳳陽淮安徐州沿途發給

日酌貼明代漕糧係軍民交兌民受需索之苦

國初爲官收官兌因酌定酌貼官仍支給隨其方俗各省異名山東河南漕

船每運米百石給潤耗銀五兩米五石江安糧道所屬給漕酌如之蘇松糧道所屬米同銀倍浙江給漕

載銀三十四兩有奇江西給貼運銀三兩米三石副耗米十有三石湖北湖南給貼運米二十石皆隨漕

科徵

凡白糧經投江蘇每石正耗三斗浙江四斗五升以備入倉耗折及運軍沿途折耗之費江蘇每船給束

包入夫工食銀十有四兩每運米百石給漕載銀三千四兩食米七石各有奇又盤耗米二十石浙江給

漕載銀如江蘇食米三十四石有奇運亦行糧運軍行糧月糧與漕糧同皆隨糧科徵

漕船六千九百六十有九每歲出運直轄三十七均協運河南山東九百七十五運軍自備者三百十有

一協運河南二百六十八蘇松糧道所屬五百八十九江安糧道所屬三千八十四協運河南百二十五

協運蘇松千九百九十七內運白糧者百三十六于通省漕船內商調三年改更江西七百有八浙江千二百十有四專運白糧者六十三湖北百八十湖南百八十二成造漕船以長九丈較米四百石爲度江西湖北湖南加長一丈

京師子有三倉蘇米倉五十七厥南新倉七十六厥舊太倉八十九厥富新倉六十四厥興平倉八十一厥均在朝陽門內海運倉百厥北新倉八十五厥在東直門內太平倉八十六厥在朝陽門外均國初建本裕倉三十厥在德勝門外清河康熙四十五年建萬安倉九十三厥在朝陽門外雍正元年建儲濟倉百有八厥裕豐倉六十三厥在東便門外雍正六年建豐益倉三十厥在德勝門外安河橋雍正七年建大通橋號房四十八間朝陽門號房五十八間舊設大通橋號房六十四間朝陽門號房二十八間雍正五年朝陽門增建十四間又移大通橋河東十六間於朝陽門

通州二倉四倉二百厥在新城中倉百十有九厥在黃城南門內均國初建舊有南倉八十一厥乾隆十八年奏裁

康熙年間部議裁減運軍耗贖銀米一事新紫垣疏稱帶管漕務灼然于斷不可裁之故仍請照給部議謂此項銀米從前原無皆順治六九等年所添等語不知彼時添給此項原非得已因軍旂運用不敷往往勒索小民兼之盜賣漕糧拖欠日多公私交困是以隨加銀米里民求免勒索是以案於輸將原非勸公裕以給軍也從此軍民兩安國儲不欠已歷多年一旦驟裁勢必復陷故勒索里民盜賣漕米矣况錢糧原有定額其地方官民因時制宜另爲調濟之項原在正額之外恐涉私派不得不爲題明要之非司農之項也在司農總會計之權止積額數不宜收及額外若將里民自願樂輸求免勒索之項而又裁歸司農則里民既出已費仍遭勒索亦司農之所不忍聞也 又稱憲支支用不宜苛駁督糧部良之

弊近來銷算雖不乏從公譴尤之案然偶值一事或執一己之偏見或神胥吏之唆使任意吹求苛殿無已錢糧繁瑣頭項率稱非精于核算不得要領司官專司其事除貓鼠同眠者不必言外其實心奉公之員或稍欠精詳便受嚴懲至堂上不過聽其大概止批說堂數語安能備知底裏加以從慎重錢糧起見自然懸照司職由是而部胥之權重不得不自賄以求之此項部胥官無神輸之術仍索之于里民而民益困矣國家滋厚歛之名部胥得婪賄之實有可多一分之費里民出數倍之資其害可勝言哉此疏洞悉部胥之弊惟精明強幹之官堂司一心整防閉又何弊之不可除哉

文獻通考宋初以來四河所運粟未有定制至太平興國六年汴河歲運江淮米三百萬石菽一百萬石黃河粟五十萬石菽三十萬石惠民河粟四十萬石菽二十萬石廣濟河粟十三萬石凡五百五十二萬石非水旱大調民租未嘗不及其數至道初汴河運米至五百八十萬石自是汴京積粟盈溢大中祥符初至七百萬石天禧末京城所積倉粟一千五百六十萬餘石草一千七百萬五千餘圍 宋時水運自淮南江南荆湖南北路所運粟於揚真楚四處置倉以受其輸既而分隸舟船拆流而入汴京發運使領之荆湖江淮兩浙以及嶺表金銀香藥犀象口貨併集惟嶺表陸運至虔州而後水運陝西鄜州蘇粟自黃河三門沿流由汴河而至亦置發運使領之陳穎許蔡光壽等六州之粟皆由石塘惠民河而至京東十七州之粟皆由廣濟河而至皆有京朝官廷臣督之凡三水皆通漕運而歲計所賴惟汴流也河北濟川東北有御河達乾甯軍其物亦有廷臣主之川陝諸州金帛自劍門列傳置分釐負擔以至租布及官所市布山水運送江陵自江陵運綱運送京成平中定歲運六十六萬疋分爲十綱天禧末水陸上供金帛縹錢二十三萬一千餘貫兩端疋珠寶香藥二十七萬五千餘斤諸州歲造運船至道末三千三百三十七艘天禧末減四百二十一 景德中漕東南粟歲不過四百五十萬石後增至六百萬入

聖中發運使請所部六路計民稅一石量糶粟二斗五升歲可更得二百萬石給京師仁宗曰常賦外增  
糶是重擾民不許時江南發賣民貧命督員外郎吳瓘以爲言詔歲減五十萬後是三司奏復增至六  
百萬然東南災歉歲減歲漕或百萬或數十萬又轉移以給他路者時有焉 慶歷中詔減廣濟河漕一  
十萬石後黃河歲漕益減耗錢運漕三十萬石而歲創漕船市材木役牙前勞費甚廣嘉祐四年詔罷所  
運漕船漕船三百以口是歲漕三河而已

方望溪奏請嚴禁燒酒一疏尹博陵嘆爲一代名言孫合河相國力駁其議並陳燒酒之益斷不可禁愚  
謂事有理所不可行而情不能已法所必當禁而勢不能除者此類是也酒之爲物有益有損自古已然  
燒酒則興于近代其始因邊疆士卒藉以禦寒北五省燒造尤甚糜費五穀歷奉明禁本重穀裕食之美  
意望溪欲悉行嚴禁民間不得復燒酒瀆重本犯之罪名蘇州縣之虛分縣恐小民無知好飲者比戶皆  
快售買極易逐末之徒趨利忘害甘犯禁網將愈敗官民之私造而滋更膏之爲奸竊糧料而終不能  
絕也即使嚴刑峻法連坐鄰隣勢在必行而小民之日飲者不能因此俱行戒止勢必率飲黃酒其爲數  
必十數倍于燒酒日費十文者將費百文不止于百姓日用生計大有所損且用黃酒者日增價值益  
製造益衆耗費穀米亦十數倍于高粱柿棗其耗五穀也更甚于燒酒然則欲禁燒酒必先禁民飲乃可  
行能乎古乎語云興一利必有一害予謂除一害必增數害積重難返之勢惟有因任自然去其太甚  
已他如私鹽私參禁之何嘗不嚴而究不能止矧日用常行之酒也耶 望溪同時又有禁酒一流稱爲  
近情然同一不能行曷治國治民之道因難與一二書生言也昔韋處厚曉諭法云強人之所不能事必  
不立禁人之所必犯法必不行望溪殆未之曉耶

開元九年左拾遺劉彤論鹽酒曰漢武爲政府爲三千萬後宮數萬人外討戎夷內興宮室財無不足者

何也豈非古取山澤而今取資人哉取山澤則公利厚而入歸於農取資人則私利薄而去其業先王之  
法山澤有官虞衡有職輕重有術禁殺有時一則專農二則富饒濟人盛事也夫煮海爲鹽採山鑛鐵伐  
木爲室豐餘之聲也寒無衣飢無食備實自資者窮苦之流也昔龍山海厚利奪豐餘之人澤斂輕徭免  
窮苦之子所謂損有餘益不足也此雖言之較甚而未免襍糶之氣

茶餘客話卷三終

茶餘客話卷四

禮記神

山陽阮葵生著

凡領誥勅前一日設案于堂中另設香案于前誥勅至門本身及祖父子姪具本等品級服色跪迎大門外候過隨入會廳誥勅至堂中執事者置誥勅於所設案上受誥勅者三跪九叩頭與詣案前跪捧誥

勅與入室恭藏於匱次於其祠堂中具香燭果品行一跪三叩頭禮次於其父母前行一跪三叩頭禮

凡附典誥勅領受奉迎俱如前儀釋日行焚黃禮前一日本官於其祠堂中設案於中間設香案一於前設神主受贈典案祝案於堂東西向至日早捧所贈誥勅置祠堂中所設案上以黃紙依誥勅文錄寫一

通同置案上奉神主設於堂西陳設祭物并祀文向神主一跪三叩頭與跪上香三獻酒讀祝畢乃捧所

錄黃紙誥勅文官畢宣勅者立堂東西向本官代受贈典者行謝恩詩望闕三跪九叩頭宣勅者取所錄

黃紙并祝文焚訖本官恭捧誥勅藏於匱次奉神主入櫃一跪三叩頭俱見會典

明制頒賜誥命百官皆在午門內金水橋南如服唱名時領色張江陵坐內閣道與輔代領當時非之見

筆墨

順治四年諭范文程剛林祁允格曰文職衙門不可無領袖今爾衙門較前改大爾三人可用珠頂玉帶

見本傳亦異數也

順治九年禮部定涼帽上圓月有官者用紅片金無官者用紅裏絨涼帽裏及沿邊四品以上俱用

片金五品以下用紅裏青藍綵邊無官者帽裏用別色不許用錦裏紅色裏沿邊用青藍素綵

雍正二年禮部議定官員帽頂一疏皆准行奉旨通查未加尚書銜者著爲正二品侍郎巡撫俱著爲

從二品後履經改定



雍正七年議準每歲四月欽天監頒發時辰書式令各布政使刊刷鈐印欽天監時憲書印信凡現任文武大小官及在籍有職官舉人貢生等各給一本其刊刷經動正項錢糧至各省民戶應將發版公所聽匠役備紙刷印赴司鈐印每本定價一分二釐此定例也按頒發之期故明初定二月朔頒明年歷嘉靖十九年改用十月朔

乾隆六年奏準行在恭遇 萬壽聖節羣臣行門班位王公大臣在網城內三品以下官在網城外

外省官員入覲在都或奉調在京逢 御殿之日各於官兵一部報名一例入班行禮總督加副將衛者入尚書未巡撫加侍郎衛入侍郎未加副將衛入副將未布按二使入小九卿未道府入部郎未將軍都統提督入都統未副都統總兵入副都統未協領副將入參領未乾隆七年奏定

乾隆二年議準凡官員入 朝及在公署不許戴兩邊涼帽凡官員及護軍等不許著大衫入紫禁城

康熙初年御史李秀奏請百官佩刀上殿奏事以肅朝儀後御史李棠奏罷之

御史劉子章奏外官不許帶家口赴任下部議旨撫准五十人滯某四十人道府三十人州縣二十人女口不在此數違者降級近日州縣長隨多者數百人矣非所以教廉也

康熙三十三年刑科魏象樞奏屬員謁上臺不許穿朝服頂帽部議凡朝賀祭祀及到任許著朝服其餘皆不許所云祭祀指與祭郊壇非私祀也康熙五十一年准吏科潘錦奏外官到任拜牌開印封印了祭入壇着朝服其送迎上臺止穿補褂雍正八年奉 旨蟒袍乃華縠之衣組織非易衣著之日太多非愛惜物力之道嗣後元旦萬壽節仍穿七日上元節仍穿三日又微員奉有不必蟒袍但穿補褂 亦可之

恩旨

乾隆六年御史奏學政不准帶家口至任所恐滋弊竇七年奉 旨仍准其攜帶 聖明之鑒深矣學政

之弊豈在家口哉

明會典禮部題百官衣服自十月初四日至次年三月初三日穿紵絲自三月初四日至四月初三日穿

羅自四月初四日至九月初三日穿紗自九月初四日至十月初三日穿羅  
于錫爵請戴耳疏云連日雪後風寒百官尙未蒙恩戴暖耳在聖主身居煖閣不知外寒微臣歷事  
先朝頗諳舊典祖宗二百年來歲傳煖耳示禮恤于等威之外乃故事中之特恩所以百官傳衣不謝而  
傳煖耳獨闕此燔肉醴酒之類物微而禮重也

禮部志稿歲時正日節自初一日爲始文武百官放假五日冬至本日爲始放假三日永樂七年令元  
宵節自十一日爲始賜百官節假十日

查浦輯聞云康熙初年三品以上乘輿呵殿雙藤擁扇丙戌罷引藤丁亥並撤藤扇惟皆燈籠題銜至壬  
辰冬仍聽乘輿藤扇皆如故

祭分三等 闕丘 冬至方澤夏至祈穀 太廟 社稷 皆爲大祀 日 春分月 秋 分前代

帝王 春秋 先師孔子 仲春秋 先農 季春 先蠶 季夏 天神 他祇 太歲皆爲中祀 先醫等廟 仲春冬 賢良昭

忠等祠皆爲準祀 太廟 孟春以上旬夏秋冬以孟 太歲 孟春上旬 前一日

齋戒大祀三日中祀二日

南北郊 上于大內齋宮二日壇內齋宮一日

太廟社稷 上于大內致齋 朝日夕月饗帝王先師并農皆于大內致齋

諸祀皆實明行事惟朝日以卯時夕月以酉時

齋戒不理刑名不燕會不聽音樂不入內殿不同疾用裏不飲酒不食葱韭葷蒜不祭神不祈禱不掃墓



皇后 孝康章皇后西位東向東次 聖祖仁皇帝 孝誠仁皇后 孝昭仁皇后 孝懿仁皇后 孝  
恭仁皇后東位西向

先一日遣官致告後殿 四祖中殿 太祖 太宗致齋親性園祝奠獻樂章俱與時祭同

神樂署司郊廟祠祭之樂和聲署司殿廷朝會燕饗之樂章樂司司宮中慶賀燕樂樂章樂司鑠歌鼓吹  
前部大樂皆統于樂部春秋季月大合樂于樂部

祠祭樂律南郊以黃鍾爲宮北郊以林鍾爲宮太廟以太簇爲宮社稷春以夾鍾秋以南呂祈雨以夾鍾  
報祭以南呂朝日以太簇夕月以南呂前代帝王孔子皆春以夾鍾秋以南呂先農以姑洗先蠶以仲呂  
天神以黃鍾地祇以林鍾太歲以太簇爲宮

凡樂章天地太廟社稷帝王廟文廟先農太歲均曰平日曰曠月曰光先農曰豐禱祀亦曰豐  
隆殿元日奏元平長至遂平元宵怡平 萬壽乾平常朝隆平 還宮元日奏和平元宵昇平 萬壽泰  
平常朝顯平

樂典出入及慶典奏導迎樂祀壇廟回鑾奏佑平

巡方岳出入進書進春種種銜銜領詔頒朝迎吻齋榜奏福平

丹陛大樂軍臣行禮則奏之樂章王公百官奏慶平外國使臣奏治平

中和韶樂在殿櫺東西丹陛大樂在太和門左右均北向鼓吹大部在午門外

內朝之禮凡元日長至次日 萬壽節內監設中和韶樂於乾清宮櫺外設丹陛大樂于乾清門內均左

右北向 上御太和殿畢還宮中和韶樂作升座樂止 皇后率貴妃等行禮丹陛大樂作奏離平行六

尚三跪三拜禮 皇子行三跪九叩禮丹陛大樂作

國初耕藉禮樂官帶老人四名念禾詞工十四名編鼓板樂工六名棚外執父執扒執箏執篋衣斗蓬樂工二十名五色彩旗樂工五十名駕輿奏天下樂至壽宮壽萬歲樂殿官民行禮奏朝天子至後殿大樂作殿殿奏萬歲樂進茶作管絃樂笙簫合奏奏朝天子樂官領樂工二名舞童四名四時和隊舞承應樂奏望拜舞舞樂工六名百戲變碗承應進河奏三月韶光樂官引幼童十三名承應樂奏黃壽舞舞樂官領鼓板三名老人一名探子二名承應唱商調集賢進饌東簾前掛清樂作太清歌散徵莊莊家老四人舞童八名老人四名磁棍四名白叟黃童鼓腹謳歌承應樂作換莊農舞畢次文十九名感天地承應樂奏啄木耳次武士十九名感祖宗承應樂奏黃壽舞次進齊回回五名頌得勝承應樂奏紅襖次香斗老人三名黎民歡樂承應樂奏調笑令次五方夜叉承應樂奏鬼令次五海龍王承應樂奏清江引次三官五方彩旗承應樂奏看花會俱用大樂以次歌舞畢王等各官一跪三叩頭 上出壽宮排駕回宮

按明會燕豐樂章十四篇皆屬州縣文貞公爲翰林時所擬今仍奏之

順治十年恩准教坊司樂人衣服中和樂用紅補服四十領丹陸樂用紅百花袍三十領十二年定女樂四十八名衣服用綠緞單長袍紅緞月牙夾背心俱用寸金花樣金髮釵青帕首十六年停止女樂改用太監 教坊司所設奉鑾一員左右招舞二員左右司樂二員又有協同官十員排長四名協同排長辦事之包長十二名凡慶賀中宮女樂奉鑾等官妻五人提調女樂四人歌童二十四人奉樂女工一百一十五人 景泰八年議凡良家女子不許教坊司買作倡優民戶爲樂戶者皆令改正卽樂戶內有願從良者聽其自首與民一體當差

興京城西北十里爲 肇祖原皇帝陵 興祖直皇帝陵共一山稱興京陵順治八年封陵山爲啟運山 盛京城東南二十里爲 景祖翼皇帝陵 顯祖宣皇帝陵共一山稱東京陵順治八年封陵山爲積慶

山 順治十五年奉移 東京陵改附於 興京陵改運山稱 興京陵曰水陵

盛京城東北二十里爲 太祖高皇帝陵稱 福陵封山爲天柱山 盛京城西北十里爲 太宗文皇帝陵稱昭陵封山爲隆業山

直隸遵化州鳳臺山爲

世祖章皇帝陵稱 孝陵封山爲昌瑞山昌瑞山又 聖祖仁皇帝陵稱 景陵

陵

直隸易州太平峪爲 世宗憲皇帝陵稱 泰陵

宋太祖詔修前代陵墓自太昊以至五代分爲三等其盛舉也而等差未當明代所祀自伏羲至元世祖共三十六帝其考正爲允我 朝弊仿其制邊有慶典咸遣使祭告可謂盛矣

北魏元帝葬於遷西今陵寢已失所在遂祭於西魏文帝高平之陵并訛味其論遷政石溪先生丙子祭告遺請仿古望祭之禮祭孝文於洛陽而高平之祀其說甚長事下部議不行同時奉使還者金槍門宗伯奏女媧氏古之聖皇乃陵殿塑成女像村莊婦女祈嗣者率往禮祀其狀見聞神勅令有司更正奉特旨照所請行若發部議鮮不誤者後數年時中州一友人云女媧像雖定議更正尙遲遲未行蓋彼處香火之盛皆由女像感衆迨近婦女無良賤祈禱酬神遊漢杏樓無算廟祝觀爲奇貨卽地方官吏亦有得焉若更易男像香烟寥落矣于水瑣云當另立帝像而以原像爲帝后配之則縣官晉稅當益盛可爲解頤 春秋世謂精華胥生男子爲伏羲女子爲女媧世言女媧爲伏羲之妹故後世詭爲女

像也唐盧仝詩女媧本是伏羲婦葦不乾製度兄妹爲夫妻之說 唐李石云女媧之功上門九天下契黃墟名聲被後世光輝重萬物乘雷車服應龍騁青虬席羅網震黃髮援絕瑞前白麟從奔蠶

邱瓊山云歷代東海南海皆臨海而祭四海北海則望祀在宋都汴梁無由至遂割之域出國門而北望

祭之可也今建都於燕寧南而祭北海豈天子執中以臨四海之義哉今京師東北礮石滄海之地於此立祠而祭于勢爲順于義爲宜若夫中國之正西在秦隴西南則蜀南則滇滇之西四百夷之外有大海宜于此處望祀之今祭北海仍在饒慶祭西海仍在蒲州是瑣山之說終明之世究未曾用也

引治中馬端臨文升奏請祀北岳於山西渾源州蓋謂水樂後都北平而正定在京師之南于祀北岳甚特况渾源尚有故廟基址修無難事下禮部議不行按一統志北岳在山西大同府渾源州南二十里歷代俱祀于此及石晉割以賂契丹至宋不能復乃改祭于正定府之曲陽歷明代不改端臨此疏足正謬說不知當日何以議格

帝王廟配享功臣東廡第一壇二十人風后會稽增雙伯夷伊尹傳說召公奭畢公高增召穆公虎仲山甫增張良曹參周勃魏相增鄧禹耿弇增諸葛亮房元齡李靖宋璟增東廡第二壇二十人郭子儀許遠李晟增皮厚曹彬李抗增王曾增富弼增文彥博增李綱增韓忠文天祥增粘沒忽木華黎不忽朮增徐達常遇春增楊士奇增于謙增劉大夏增西廡第一壇二十人人力牧阜陶龍伯翁仲虺增周公旦太公望呂候增方叔尹吉甫增蕭何陳平劉章增周丙吉增馮異馬援增趙雲增杜如晦狄仁傑增姚崇增西廡第二壇十九人張巡李泌增陸贄增耶律易魯增呂蒙正增寇準增范仲淹增韓琦增司馬光增趙鼎增岳飛解羅韓里不伯顏脫脫增劉基李文忠增楊榮增李賢增原從祀三十九人康熙六十一年增祀四十人

正殿景德崇聖之殿祀三皇五帝夏王十四位商王二十六位周王三十二位漢帝二十一帝唐帝十二位宋帝十四位金帝五位遼帝六位元帝十一位明帝十二位原崇祀二十一帝康熙六十一年增祀一百四十三位共一百六十四位按割據之主俱不與祀然昭烈承漢正統非羣雄僭亂者比似未可

斬之且賭竟矣趙雲既在從祀之列更不宜有臣而無君矣

雍正九年諭禮部議功臣襲封世職擬與鼎名奉旨圖海爲忠達公賴塔爲襄績公恩額德禮爲奉義

公繁拜爲超武公嗣賴爲雄勇公嗣爾格爲果毅公茂英東爲信勇公多尼庫魯克爲建烈公和朝圖爲

勇勳公楊古利爲英誠公按十臣歷著顯績爲我朝名臣冠羣特賜美號傳之史冊稱盛典云

乾隆辛未巡幸江浙諭先賢祠墓在御道三十里以內者均賜祭浙江則唐陸贄吳越王錢鏐宋岳

飛明于謙王守仁本朝徐潮江南則秦伯季札子游范仲淹本朝張玉霄趙申喬又卞壺曹彬宗澤韓

世忠徐達常遇春方孝孺本朝丁成龍傅應淵湯斌張伯行陳鵬年皆非江南人或配饗帝王廟或祀

賢真祠或崇義著史冊其于江浙或有功斯民或盡節萃土或歸葬此鄉祠墓皆在御道三十里內亦一

體遺案

康熙五十四年御定星歷考原告成五十六年諭歷內所列男女九宮以上元爲中元傳誤已久着改

正凡補注上用六十七事祭祀頒詔肆赦祈福覃恩施恩惠恤孤惻布政事宣

政事施恩封拜上冊進表章慶賜賞賚宴會行惠愛雪冤枉緩刑獄招賢舉正

直上官赴任臨政親民冠帶行幸出師選將訓兵遣使詔命公卿納采問名結

姻媾嫁娶進入口求嗣求醫療病入學裁製沐浴整容剃頭安撫邊境整手足

甲解除殿移安床興造勅土豎柱上梁修宮室繕城郭營建宮室開市納財立券

交易經絡修置產室開渠穿井安確礮栽種牧養伐木捕捉畋獵納畜取

魚修飾墻垣平治道塗築隄方補垣

明有勳業幽有鬼神鬼神者人道之通於天天道之察乎人者也老子曰以道泣天下者其鬼不神黃帝

茶餘客話卷四



之世士無札傷人無天惡物無疵厲鬼無靈響焉是鬼神自古所有惟聖王之世則不若耳賢知之過往  
往作無鬼論或託爲高明以覆鬼神非知道者而下愚鄙野之夫又以小說雜劇之所抄演游奕妖巫之  
所假說者爲鬼神如文昌星也而謂之梓潼元武爲蛇也而謂其修於武當山關侯塗以朱面張睢陽裝  
青面獠牙雷雲之神繪以烏喙鍾馗斧首而爲唐進士張仙孟昶而爲求嗣之神如此之類不可枚舉小  
民愚柔無知耳滯目染信以爲真祈福悔禍無所不至甚而奸人匪賊乘機誘惑胡山進香申盟結會改  
易衣裝毀傷肢體男女雜處良莠混淆往往蔓延多人激成禍端釀爲大案有守土之責者不可不思患  
預防早鋤根株語曰消滔不塞將成江河吁可畏也

亭林云乾父坤母山川之神多裝以女像漢書郊祀歌有媼之神是也而好事者遂指爲某之女某之妻  
則誕矣楚詞湘君湘夫人山海經洞庭之山帝二女居之郭璞注曰天帝之二女處江爲神卽列女傳江  
汜二女或曰堯之女也蒼梧九疑間有堯女祠焉禹廟在會稽水經注言廟有聖姑神樂緯云禹治水畢  
大賜神女聖姑河伯水神夫人姓馮名夷巫山神女宋玉之寓言也水經注以爲天帝之季女名瑤姬維  
水宓妃陳思之託興也而如湄以爲伏羲之女見漢書音義嶽山啓母天問之雜說也今少室有阿嬈神  
爲啓母之妹青溪小姑爲蔣侯三妹見彬祠碑并州姑女爲介子推妹見李諱詩汾陰后土祠爲婦人像  
武后時移河西梁山神像就中配焉亂其矣碧霞元君宋眞宗封人以爲泰山之女元劉遵魯海島記  
曰廟中神妃相傳爲東海廣德王第七女又黃河有奶奶廟天妃祠各路有夫人廟女婦氏亦爲女像噫  
此與伍子胥增杜十姨小姑嫁彭郎何以異哉若閩人祠齊天大聖益可怪矣程子云陰却神廟廟字人  
始知爲善矧此無稽者耶邱仲深謂天爲大地次之製字者一大爲天二小爲示故天崩皇地崩后海次  
于地宜稱妃數從三亦一大二小之義是亦有其神無其人與今所傳者異

湯文正公毀五顯祠江南風俗人心爲之一正 聖祖既允睢州之請復通諭中外嚴查各省郡縣城隍社稷神外俱撤毀廟像不准士庶入廟焚香於是深山窮谷之中掃蕩庭宇斬伐草木投尸於壙毀像成器一洗妖氛乾坤甯聖人業常經國絕地天通羣黎百姓日用飲食無復有土木禍福煎焚誕之說誠恐其心志而我 聖祖福壽隆昌爲數千年所未有猶歎盛哉予聞古者政教衰微下民有情弗仲有寃弗白乃繫於神而詛盟之事由此而起鬼神邪昧亦遂憑依而大著其靈異於是責罰之柄歛而移之冥漠之中蚩蚩者氓畏王法反不敵其畏鬼譴凡地獄之說感慮之簡齋醮之文皆詛盟之餘習也故曰有道之世其鬼不靈鬼者指一切神人仙佛言之梁武帝問達摩朕造寺寫經度僧不可勝計功德若何達摩曰此並無功德不過人天小果有漏之因如影隨形雖有非實鄧志宏曰丹霞樓寒則燒木佛德山說法則撤豎像是彼教中人尙不惑於功德多說不啻頂禮土木何以士大夫讀書談理反有入寺焚燭首下而尻高者耶

小說載項羽烏江祠有秀才投一絕句謂之立反風息浪而靈遂不著又夷與志銳焚贈廟食萬州有州守馮時撤其祠見偉丈夫掀髯怒相向馮歷誣其生平所爲丈夫奄奄而滅羽陪其尙有恥心哉若五顯五通則冥頑不可以文字語言化惟碎首焚身投之洪流而已閩俗信鬼家奉五帝又名五顯康熙三十七年有一賤隸稱五帝附身大言欲遊江南需船二百隻供應一時愚民煽惑計口飲錢而尤刻於孕婦溪銀倍之其船雖以紙爲之而采鮮新軌檣鉦鼓几案簾帷種種備具每船約費銀三百兩送神迎神舉國狂驚時總督郭公世隆聞之緝造言賤隸鞠之聽得其妄卽真之法送行各屬令亟毀其祠或曰江撫湯公毀淫祠先經入告今不當循例耶世隆曰祠非奉敕所建拆毀以正淫俗乃職分當行何必張大其事轟奏爲况現奉文除淫祠耶卽徵各郡縣拆祠毀像永行禁絕時距省八百里有山崇奉五顯入遂

稱爲五顯廟廟貌之類甲於閩中是日瘡符未到野火自起與會城隍祠同日灰燼人尤異之郭公此舉可爲快意其謂臘分當行班班張皇入告尤得政體令人但知湯文正公毀祠事耳

祝陸方輿勝覽云五通廟在徽州婺源縣乃兄弟五人本姓蕭每四月八日入爭祭之

史記年表秦始皇以君主妻河君主秦君之女納後世公主也妻河者沉之河如何伯齊婦故事蓋戎事也呂東萊作大事記改主爲生又改生爲獨無一而可村氓老婦信鄰隣巫覡之言奉佛持齋月有定日其說大都皆入於坊刻之玉匣記通書近日邪教案起獲妖書盡抄本玉匣記及神符呪兩書

予見名卿大夫按日素食云奉某齋公言於衆又恐民匹婦有戒食禽魚不畜牛犬及家不殺生而持殺於他人之門外歸而熟以果腹者或因戒一牛羊而日殺雞魚無算豈非食殘之尤乎史官云豬雞魚蒜遇著便吃昌黎云豚魚雞三者古以養老反曰是皆殺人不可食一筵之饌禁忌十常不食二三不信常遺而務鬼怪臨死乃悔柳州云某氏愛鼠不畜貓犬後人撤瓦灌穴殺鼠如邱是唐人已有此惡風矣余常見某學士不食某某等肉其友規之曰是死人之命又一郎中不食四足之物亦以父命爲辭噫不能幹父之葬而彰前人之過或云三代或云十代相傳不易是所謂賊子人人得而誅之者古者宗廟有牛以饗神七十二膳八十常珍以養父母天子不合爾諸侯不掩羶大夫不取羶卿士不隱羶庶人不數嘗諸侯無故不殺牛大夫無故不殺羊士無故不殺犬豕庶人無故不食珍斯天下無妄矣豈夏重不食羊肉後舉 旨食云今始知其美門有相遇恨晚之意

周禮王日一舉王齋日三舉凡殺牲盛饌謂之舉周制王日食一太牢過朝加食一等散齋致齋必變食故加至三太牢是齋日食肉反有加矣論語齋必變食以下至不多食邢疏云此上皆重齋文孔子惟酒無量則酒亦不禁矣不飲酒不茹葷出莊子文本不足據今齋戒皆在公署乃本聖人遷坐之義膾於唐

人之宿寺廟也五輩皆持戒之宜也不必因獲戒始忌食初經云五輩熟食淫生拔生啖增悲故  
傳氏戒之按釋氏以大壽小壽與果惡惡之效爲五輩與果即於道家以非莊森委委即爲五輩

廟廟之見於正史者惟明史有之其立廟之始不可考俗傳崇寧真君封號出自宋徽宗亦無推按元史  
祭祀志每歲二月十五日于大殿啓建白傘蓋佛事與衆祝嘏不詳操舟監禮禮廟某神轎夫曰採昇神  
轎則必迎像有塑像則必有廟宇矣然則廟始于元之先可知也又曰下首開源寺東數百武有廟  
王廟相傳即崇寧萬壽宮以中塑像甚古疑是元時舊宮又謂廟帝廟在皇城北安門東者曰白馬關帝  
廟廟基也地修蓋馬廟在三里河大堰亦廟基也唐之明已見廟

明萬歷四十二年甲寅十月十日加封爲三果伏魔大帝神威遠鎮天尊關聖帝君四十五年丁亥五月  
福壽帝廟序刻洛陽關帝廟錢譜曰前歲予元命分封河南陽公以單刀伏魔于桌父宮中托之夢寐問  
果驗是以大隆徽號由是勅聞天下而尊顯之云云予見各省關廟題旌其旨同此號始始于明神宗時  
唐范梈雲溪友議謂荆州玉泉祠天下四絕之地或言此關聖助土木之功祀三郎神三郎神者關三郎  
也

關帝廟通海寓一村一社處處有之應來垣漢陳祠宇亦多順治九年勅封忠義神武廟聖大帝康熙五  
十八年賜給河南洛陽縣五經博士一人雍正三年封三代公爵雍正四年增設山西解州五經博士一  
人十年增設湖廣當陽縣五經博士一人乾隆二十五年山東臬使沈叔固請易益神勇三十四年勅封  
靈佑忠義神武廟聖大帝安溪先生云皆因當日死時有一段纏結之處人人爲之纏結以人之纏合神  
之纏自然兩相感召必祭賽以升之鑼鼓以宣之如是而人心乃暢久之遂致香火之盛皆人心爲之也  
關公得漢諡郭青螺辨經與穆通題曰漢前將軍壯穆侯是也田山嶽又駁之謂其時主昏臣暗黃皓專

政故子惡諡然當時道益張翼德植侯馬孟起威侯黃漢升剛侯趙子龍順平侯皆美諡何獨斬於國耶  
故子有取于郭說

風俗通載襄陽城陽景王祠瀕漢水郡六郡及渤海之郡亭案務雜禁絕淫祀如故蓋當時之祀虛侯亦  
如今之關廟後重伍子胥程嬰杵臼及項羽皆祭襄陽海內古今來取義成仁之士其身雖死其氣常存  
或更有所麗而不泯長宏之氣在血先軫之氣在元子胥之氣在游魯公之氣在指爪鄂王之氣在案樹  
張關州以禱雨于水齋以前夢是皆其軀氣初有所歸久之而人之氣亦有所依故其靈常著

張米董李庶常請于云鬼神亦有氣運冥報亦有時代因言明天啓間宮中豎關帝像二尊一大一小當  
時有日者術其神意宗召入宮中歷試大臣妃嬪內官皆奇中無以難之因指木像令其推算日者稱  
小者福壽綿遠香火百倍大者應宗遂以小像繫置於正陽門左側小廟中而供大像於宮中增其祭品  
以窮日者之言未幾關賊進宮而大像燬小者迄今香火尚盛日者之術亦異矣明滿州楊太宰傅元日  
入拜先以名刺通之曰鄉晚生

明給事中張九功諱正祀典禮部倪岳條疏以上一釋迦牟尼文佛與三清三境天尊按天竺乃釋迦  
所生之地漢明帝時法入中國其曰三世佛以本性爲法身德業爲報身並真身而三寶一身也一道  
家以老子爲師三清者做釋氏九譯老子云玉清元始非老子法身上清太上蓋做釋氏失而又失者況  
莊子明言老聃死則時亦入鬼豈可借居昊天上帝之上哉皆不合祀一北極中天星主紫微大帝按  
象緯爲萬星所宗正統初年建紫微殿設帝像按古大明祭日夜明祭月幽宗登星之文南郊大祀已合  
祭今像無據宜罷一九天應元雷神普化天尊按傳記陰凝陽氣靈靈爲雷霆非如龍車石斧鬼鼓火  
鞭之說道家以六月二十四日爲不現之日遣官致祭按南郊已合祭取像設多皆不解宜罷一梓潼

宋封濟順王又封英顯王暨奏勅賜文昌宮二月三日誕辰道家謂梓潼忠孝顯靈於蜀至文昌星與梓  
潼無涉合爲一附會乖謬宜切文昌化靈王如靈是其第六十五化身其母爲蜀中張老之妻光  
靈子同對臂出血于石白中產一胎即此一胎妖誕已極何配之有一

祖師三天扶教輔元大法師眞君按張道陵漢光武時以符治病唐宋皆封大法師宋封正一清應眞君  
邵伯溫云張魯祖陵造符書授其道者出米五斗謂之米賊其衆曰鬼卒曰祭酒與黃巾等本非異人  
而道家祖陵爲天師正月十五爲生辰京師祭祀宜罷 一大小青龍之神按程明道爲上元主簿茅山

池有小青龍如蜥蜴類著靈異明道捕而脯之使人不惑今大小青龍皆蛇耳宜罷 一東岳泰山之神

三月二十八日爲壽節按泰山在魯已有常祭而郊亦合祭壽節誕其合罷 一北極佑聖眞君眞武即

元武也即龜蛇也本北方元武七宿虛危之形似之耳靖康加號眞君又圖記言靖樂王太子遇紫虛元

君授道遇天師授寶劍入武當山白日昇天上帝命鎮北方披頭跣足此道家荒誕國朝以有陰術爲之

立廟水宜裁革 一崇應眞君薛聖劉人宋徽宗時從張繼先王侍宸林靈素學道而玉繩火符天將王

聖官又從薛聖授符水樂中道士周思以靈官法顯於京師附體降神禱之有應乃建天將廟祖師殿宣

德中改大德殿封薛聖爲崇恩眞君聖官隆恩眞君此皆一時傳會祭以甚罷 一金闕上帝玉闕上帝

按闕縣有靈濟宮祀二徐眞人五代時徐遇子知諱封江王知諱封德王及圖像以祀之宋太宗疾禱之

應大新廟宇成化時加號知諱曰九天金闕總管神洪恩靈濟慈惠高明上帝知諱曰九天玉闕總管

聖神洪恩靈濟仁憲弘疇上帝其父封眞君母妻封元后按徐溫誤國專權殺主毫無功德祀以報功豈

宜蓋及况傳號上帝皆宜罷斥 一城隍之神按易坎卦于公設險以守其國今以五月十一日誕辰城

隍本非人鬼安有誕辰南郊祀壇已有合祭之文煩瀆之禮宜罷 禮部議款甚繁節錄數則亦足醒蚩

蚩者氓矣 明祖刊立嶽瀆經海各廟碑文甚得體

城隍之祀莫詳所始先係謂既有社矣不應復有城隍故李陽水縉雲城隍記謂祀典無之惟吳越有之然成都城隍祠太和中李德裕所建張九齡祭洪州城隍文杜牧祭黃州城隍文李商隱集中尤多則不獨吳越然也又蕪湖城隍建於吳赤烏二年高齊蘇容儀梁武陵王祀城隍神皆背於史又不獨唐而已洪武初年始封天下城隍廟神在帝都者封爲帝在藩邸者封爲王府州縣者封爲公侯伯當今太平一統而各省城隍爲王公侯伯者如故將安用是紛紛者耶

江海保障之神皆有專祠如封號錢塘英衛公伍員四川瀘縣通佑王李水浮梁縣安瀾之神張巡臨安縣應武廟王錢鏐宿遷縣顯佑通濟王謝精蕭山縣靜安公張夏紹興府甯江伯湯恩汶上縣甯濟公宋禮水濟之神白英皆春秋有司致祭儀與祭廟同雍正三年定

雍正二年勅封四海龍神東海顯仁龍王之神南海昭明龍王之神西海正恒龍王之神北海崇禮龍王之神順治三年封黃河龍神爲顯佑通濟金龍四大王之神遼河龍神爲延休顯應分水龍王之神康熙三十二年加封昭靈效順四字

康熙十八年洞庭湖神封爲洞庭湖之神雍正二年封爲涵元灑利洞窟湖之神康熙十九年瀟湘海神湖瀟湖師封爲護國庇民妙靈昭應宏仁普濟天妃大沽海口雍正二年封爲廣惠大沽海口之神永定河康熙三十七年封爲永定河之神康熙三十九年拆去

擴黃埔海神効靈顯名大通口封大通口之神雍正三年封臨濟州河爲福晉濟河之神封館陶縣河爲聖濟漳河之神是皆爲有功德於民也

八蜡廟即將軍祠由來久矣直省郡邑皆有劉猛將軍祠畿輔齊魯之間祀之尤謹究不知爲何神據說

輔運志引靈異錄云將軍性劉名承中元末指揮驅蝗保種列郡祀之方問亭制軍大吏中統博雅者修壇廟祀典一書於此亦承訛無所考予按怡庵雜錄載宋景定四年三月八日封揚威侯並被制勅則神

乃南渡名將劉錡也生則敵愾効忠歿而捍災禦患其世祀也固宜其勅曰國以民爲本民實比於干城民以食爲天食尤重於金玉是以后稷教之稼穡周人畫之井田民命之所由生也自我皇祖神宗列聖相承迨茲奕葉朕嗣鴻基夙夜惕若邇年以來飛蝗犯境所食器不宵吐懷憂無以爲也黎元咨怨末如之何民不能祛更不能捕爾神力掃蕩無餘上感其恩下愍其患爾故提舉江州太平興國宮淮南江東浙西制置使劉錡今特勅封爲揚威侯大曹猛將之神能其旬服血食一方故勅是掃蕩飛蝗乃錡之功祀之宜也今以劉示忠代之類矣予謂三代盛時馬鬣猫虎之類皆有所報而除治蟲獸龜蛇皆列享百靈不以物賤而不之教先王治國幽明一也其義甚深初不必指實某某姓氏而肖像以祭也



茶餘客話卷之四終